

ACTA ERUDITORUM

publicata Lipsiæ

Calendis Martii, Anni MDC LXXXVII.

THE LIFE OF JAMES USHER, LATE LORD
Arch-Bishop of Armagh,
five,

Vita Jacobi Usserii, Archiepiscopi quondam Arma-
chani ac totius Hiberniæ Primatis; cui subjungitur
Sylloge CCC Epistolarum, inter ipsum virosque pluri-
mos pietate ac eruditione tum eminentes recipro-
catarum; opera Rich. Parr, Th. D.

Londini, sumtibus Nathanaelis Ranevv, 1686, in fol.

NOn defuerunt quidem hætenus, qui viri incomparabilis,
quique non minus in re literaria, quam in statu Hiberniæ Ec-
clesiastico, inter primates censerî promeruit, Jacobi Usserii
vitam describere sunt aggressi : meminimus etiam nos
in Actis hæc anno 1682 pag. 12 retulisse, a *Guil. Bateso* inter alias ma-
gnorum hominum vitas hanc quoque traditam reperiri. Quin ta-
men præsentis operis collector *Rich. Parr* omnibus istis præripuerit
hac in parte palmam, nemo facile in dubium vocabit, si vel id solum
consideret, illos pleraque omnia fere non nisi ex sermone funebri
a Doct. Bernardo in defuncti honorem habito hausisse; hunc nostrum
vero non tantum per integros tredecim annos familiari cum eo con-
suetudine usum, quippe cujus etiam cum moreretur Capellanus fuit,
sed & eum esse, cujus fidei decedens omnem suam supellectilem char-
taceam commiserit, unde facili negotio complura aliis ignorata de-
cerptere ipsi licuit specialia, vitam istius concernentia; quorum insu-
per haud pauca perdidicit ex conversatione cum Domino Tyrrel, de-
functi

functi ex filia nepote : tamen non diffiteatur, plurima a se quoque ex dicto Bernardi sermone hanc in rem deprompta fuisse. Non ingratum fore speramus, si ut alias simili occasione data fecimus, potiora vitæ hujus capita brevissimis hic ac velut per indicem tantum commemoremus, in gratiam eorum, quibus prolixiorum ejus historiam, & Anglico quidem idiomate conscriptam pervolvere, non est integrum. Utque de gente ejus primo dicamus, progenitus fuit ex antiqua nec incelebri in Hibernia *Usseriorum* familia, nomen hoc primitus nactorum ab uno e majoribus ipsorum, qui cum apud Regem Johannem apparitoris (quem sua lingua *Usher* vocitant) munere fungeretur, familiari istius seculi more nomen officii in gentilitium adoptavit, cum alioqui patria ejus stirps *Nevillii*, *The Nevils*, appellarentur. Natus vero noster *Usserius* est Dublini, die 4. Januarii anno 1580, patrem nactus *Arn. Usserium*, Cancellariæ Secretarium; matrem vero *Margaretam*, *Jac. Staniburst*, Prætoris Dublinensis filiam; qui Regi-næ Elisabethæ primus suavor fuisse fertur fundandæ celeberrimæ nunc Academiæ Dublinensis, e cujus gremio intra nonaginta annorum spatium, præter alios viros præstantissimos, plusquam 50 episcopi prodiisse memorantur. Quis puerum prima literarum elementa docuerit, dicere nil attineret, nisi fidem pene superaret, quod narratur, duas ipsi fuisse amitas perspicacissimi quidem ingenii ac tenacissimæ memoriæ, at a prima usque infantia cœcas, atque has ipsum primo Anglice legendi artem docuisse. Cæterum præceptores postea habuit viros duos egregios, quorum uterque in aula Regis Jacobi præter nobilitatem splendidis muniis dein condecorari meruit, nempe *Jac. Fulletonum* & *Jac. Hamiltonum*; qui a dicto Jacobo, tum Scotiæ solum imperante, secreto in Hiberniam ablegati, (ut Nobilium Protestantium animos clam ad regis sui partes pertraherent, ac in casum mortis Elisabethæ, rebus istius ibi curandis præsto essent) quo melius propositum tegerent, non dubitarunt Dublini pro ludimagistris se gerere, maxime quod raros tunc ibi deprehenderent, qui laboriosum hoc vitæ genus profiterentur. Tam citos autem in humanioribus literis profectus fecit *Usserius*, ut jam anno 1593, cum Dublini Collegium Trinitatis exstructum ac perfectum esset, dignus habitus fuerit, cujus nomen in albo academicorum hujus collegii alumnorum primum locum occuparet, utut tum nonnisi tertium decimum ætatis annum ageret. Præ-

terea cū studio historico apprime delectaretur, adolescens 15 vel 16 annorum jamtum justam bibliorum chronologiam, quousq; Libri regum pertingunt, concinnasse fertur. Tametsi vero ipsum pater jurisprudentiæ studio destinaverat, nihilominus hoc, anno 1598 mortuo, Theologiæ sese impendere maluit, ut ad quam dudum ejus animus propendebat. Utque liberius sacris hisce Musis vacare posset, delatam primogenito sibi paternam hereditatem, amplam quidem, at multis involutam molestiis, & sororum, quas septem habuit, portionibus gravatam, universam fratri Ambrosio resignavit, reservata solum sibi parte, quæ ad studia persequenda parandumque victum necessarium sufficere posset. Cumque adeo tanto animi fervore sacrarum literarum cognitioni incubuerit, fieri non potuit, quin præcoces etiam, cum felicissimo præsertim ingenio polleret, hac in parte fructus ostenderet. Unde cum tunc temporis quidam e Societate Jesu, *Henricus Fitz-Symonds*, Dublini captivus detineretur, atque hac occasione, sua fretus eruditione, ausus esset Protestantium doctissimum ad ineundum super religionis suæ controversiis certamen disputatorium provocare: communi academiæ consensu placuit *Usserium*, qui tum non nisi Artium Baccalaureus 18 aut 19 ætatis annum agebat, cum ipso committere: qui utut ab initio ab antagonista suo fere pro puero ac despectui haberetur, post unum tamen alterumque colloquium adeo præfidentiam ejus perdomuit, ut ad incitas se, certe ad silentium redactum mox agnosceret, nec ulterius configere, ne provocatus quidem auderet: quin & in publico postea scripto, ubi forte Usserii mentionem injece- rat, non dubitarit ipsum vocare *A catholicorum doctissimum*. Cæte- rum cum videret Usserius, a Pontificiis scriptoribus passim, pro confir- manda dogmatum suorum antiquitate, Patres ecclesiæ allegari, idque sublesta sapiuscule fide fieri subolfaceret, quo certio rem se hac in parte redderet, proposuit sibi omnia Patrum scripta verbotenus perle- gere: atque immensum hunc laborem, quem juvenis 20 annorum aggressus est, indefessa dein patientia ad annum usque 38 ætatis con- tinuavit; præfinito sibi in singulos dies certo penso: atque intra hoc temporis spatium perlustravit omnes Patres, tam Græcos, quam La- tinos, plerosque insuper Scholasticos ac Doctores a seculo 1 usque ad 13; concinnatis etiam ad horum scripta notis ac observationibus, suum subinde judicium adjecit, quænam ex iis genuina, quæ spuria ha-
P 2 benda

benda essent. Atque hæc quidem collectanea velut fundamenta posuerat magni cujusdam operis inde conficiendi, cui *Bibliotheca Theologica* titulum destinaverat, quod tamen morte præventus ad umbilicum perducere non potuit: ac tametsi moribundus ulteriorem libri elaborationem Doctori *Langbaine* demandasset, isque eundem etiam describere, expolire ac supplere cœpisset, tamen & ipse anno 1657 operi immortalis est; cujus copia seu apographum adhuc in Bibliotheca Bodlejana asservari dicitur, cum ipsum *Usserii* autographum nunc apud *D. Edvv. Stillingfleet*, Decanum S. Pauli custodiat. Quem admodum vero, ut ex hæctenus dictis liquet, doctrina æque ac judicio propere maturuit *Noster*, ita solito etiam citius muneribus ecclesiasticis admotus est: anno enim ætatis 21 jam *Dublino* a patruo suo *Henrico Usserio*, tum Archiepiscopo *Armachano*, Diaconus atque presbyter creari meruit. Anno 1607 Baccalaureus Theologiæ, ac paulo post ejusdem Professor creatus fuit in eadem academia. Sic magis magisque crevit ejus existimatio; unde cum anno 1615 Parlamenti atque Cleri conventus *Dublino* celebraretur, super punctis quibusdam religionem ac disciplinam Ecclesiasticam concernentibus; negotium ipsi datum est, certos quosdam articulos hac de re componendi, qui communi Ordinum consensu firmati, ac ab ipso dein Rege approbati fuerunt. Ac tametsi a malevolis quibusdam *Usserius* incusatus sit, ac si in iis ab harmonia ecclesiæ Anglicanæ recessisset, ac ea propter apud regem quoque delatus esset, ac si Puritanismo studeret: (quæ calumnia ob indefinitam latitudinem tum passim ad denigrandos bonos viros adhibebatur); tamen suam innocentiam clare mox probatam dedit, adeo ut rex omni sinistra suspicione abjecta, anno 1620 proprio motu ipsi Episcopatum *Meath* conferret. Quadriennio post in locum defuncti *D. Hamtoni* Archiepiscopus *Armachanus* nominatus atque electus est, centesimus qui post *S. Patritium* id muneris sustinuerit. Anno 1640 in Angliam profectus, (ut quidem antehac singulis fere trienniis facere consueverat,) animo bibliothecas in Academiis ejus regni perlustrandi, indeque quæ ad scopum laborum suorum facerent, delibandi, ac dein ad sedem suam redeundi: at omnem præter opinionem nunquam posthac suam revisere *Hiberniam* ipsi licuit, ingruente mox horrenda illa totique regno fatali rebellione ac bello intestino: cujus furore etiam omnibus redditibus opibusque, quibus antea gavissus erat, spolia-

spoliatus fuit; unica saltem bibliotheca excepta, quam deinde in Angliam ad se transportari curavit, cum in munita Hiberniæ arce *Droghedab* servata fuisset. In solamen damnorum ita acceptorum Rex quidem ipsi vacantem tunc Episcopatum *Carlisle* in commendam contulit: verum & hic ipsi rursus ablati fuit, cum Parlamentum factionarium omnes terras episcopales aliquo posthæc tempore invaderet. Oblatum quidem præterea a Batavis ipsi fuit munus Professoris in Academia Lugdunensi; invitatus etiam a Cardinali Richelio, ut in Galliam veniret, propositis conditionibus sat splendidis; utrumque tamen recusavit, ac in Anglia manere maluit; ubi non defuerunt ex optimatibus, qui vitæ subsidia lubentes ipsi subministrarunt, dummodo suavi ejus consortio ac imprimis egregiis ipsius sermonibus sacris perfrui possent. Denique anno 1647, cum Londini apud Comitissam de *Petersborough* commoraretur, Societas quam vocant *of Lincolns - Inn* ipsum elegit concionatorem suum, assignata ipsi habitatione ac pensione congrua; quod etiam munus per octennium fere exercuit, donec sesqui anno circiter ante mortem suam, ob visus debilitatem dentiumque defectum eo se rursus abdicaret. Tametsi vero in arte concionandi mire excellat, utpote quam etiam tanti fecisse fertur, ut hæc apostoli verba lemmatis loco sigillo suo archiepiscopali voluerit inserta: *Veni mihi, si non evangelizavero*: nihilominus e concionibus ab eo habitis non nisi duæ ejus permissu impressæ fuerunt, altera quidem in *1. Cor. 10, 27*; altera ad *Ephes. 4, 23*: cujus ratio dubio procul ea fuit, quod suæ confisus memoriæ ac facundiæ vix aliquid præter summa sermonis capita in chartam conjicere fuit solitus. In hac tamen ejus vitæ descriptione hinc inde fragmenta de sermonibus ab eo prolatis adferuntur, uti in specie *pag. 19.* recensetur, quomodo ad convincendos quosdam, qui solenne illud juramentum *Suprematiæ & Allegiantiæ* quod vocant, præstare recusaverant, egregia oratione vim ejus ac justitiam explicuerit: quemadmodum etiam *pag. 87.* diversa ejus consilia proponuntur, quæ iis observanda commendavit Vir disertissimus, qui sacre oratoriæ operam navare sibi proposuissent. Coram Rege *Carolo I* etiam sæpius concionati jussus est, utpote qui summopere ipsum dilexit, ac in rebus sæpe dubiis in consilium adhibuit: id tamen, quod vulgo tum perhibitum fuit, ipsum necem *Comitis Straffordiæ* Regi suavisse, falsum omnino, & a calumnia profectum fuisse, latius

probat hujus vitæ scriptor pag. 45. seq. & pag. 61. De cætero tragicum Regis exitum acerbissime tulit Ufferius; unde non solum ad spectaculum instantis ejus parricidii animi deliquium passus, sed etiam tristem infausti illius diei memoriam quotannis jejunando, quoad vixit, recoluisse fertur. Adduci quoque nullatenus potuit, ut Cromwello vel minimum abblandiretur, quamvis hic semel iterumque, instituto familiari colloquio, eum ad suas partes pertrahere oblique anniteretur: quinimo cum aliquando Cromwellum ex ulcere pectoris ægotantem forte inviseret, non dubitavit arrepta hac occasione libere eum monere, vereri se, ne profundius ac incurabile ulcus in ipso corde circumgestaret. Prædixisse etiam narratur, haud diutinum fore invaloris hujus imperium; sed brevi, se tamen non amplius vivo, emerfurum iterum legitimum regni heredem; sicut & alias plus vice simplici compertum est, eum vi quadam futura præfagiendi pollere; ut cum magnam illam rebellionem Hibernicam 40 annis antequam fieret, in concione quadam, definito etiam annorum numero, prædixisse tum quidem non advertentibus, dicitur pag. 9. annum item mortis suæ, ex verbis quibusdam ominosis, quæ calendario suo inscripsit, præscivisse visus fuit pag. 76. Decesit vero vir piissimus in Comitatus Surrey opido Riegar die 21 Martii, anno Christi 1655, ætatis 76; morientisque hoc ultimum suspirium fuit: *o Domine, condona quæse mihi, imprimis peccata omissionis.* Creditus quidem fuit ex morbo sciatico obiisse; sed revera fuisse pleuritidem, post ex inspectione cadaveris patuit: in quo præterea id speciale observatum fuit, quod crassa quædam membrana adipe obtecta, quamque pro continuato omento agnoscit biographus noster, visa fuerit sese extendere super totum stomachum, superius peritonæo annexa, paulo infra diaphragma: quam quidem membranam, haud parum ad facillimam, qua gavissus est, digestionem contulisse creditum est. Id quoque de se perhibuisse dicitur, se nunquam ne in magna quidem commotione, ullam cordis palpitationem persentiscere potuisse. Sepultus fuit anno sequenti in Westmonasteriensi capella Henrici IV, juxta præceptorem quondam suum Jac. Fullertonum, factæque ipsi exequiæ splendidæ jussu Cromwelli, gratiam vulgi hac quoq; ratione astute, non suis quippe, sed aliorum impensis captantis, tametsi familia, quo sumtibus parceret, eum in loco obitus humatum minoribus ceremoniis maluisset.

luisse. Non nisi unicam reliquit prolem, filiam nempe, ex 40 annorum conjugio cum *Phæbe, Lucæ Challonerii* Th. D. filia susceptam, quæ *Timotheo Tyrrel*, Gubernatori *Caerdiffiæ* in Wallia nupta, adhuc in vivis esse fertur; ejus vero mater sesqui anno ante mariti *Usserii* obitum decessit. Hereditatem hujus haut admodum amplam fuisse, collectu facile est, cum ex fortunis, quibus olim potitus fuerat, nil fere ipsi temporibus afflictis mansisset reliquum, præter bibliothecam: quam 10000 prope voluminibus constantem, etsi care satis ab initio vendere filia potuisset; cum & Rex Daniæ, & Cardinalis *Mazarinus* eam ambirent; distrahi tamen vetuit absque suo consensu *Cromvellus*; ex residuo forte odio, & ut ægre faceret defuncti posteris: unde tandem mediocri pretio emta est ab exercitu *Hibernico* pro collegio *Dublinensi*, ad æmulationem copiarum *Elisabethæ*; quæ & ipsa anno 1603, fuis in *Hibernia Hispanis*, inter se collegerant 1800 libras, pro emendis libris ad instruendam melius bibliothecam *Dublinensem*, *Bodlejanæ Oxoniensi* coætaneam. Atque hæc quidem de vita *Usserii* retulisse sufficiat; de cujus externa forma, præter imaginem æri incisam, id adhuc additur; fuisse mediocriter procerum, fusco capillo, complexionem sanguinea, vultu gravi ac expressu difficili: unde non nisi semel exacte depictus narratur, nempe a *Dn. Lilly*, qui post equitis dignitatem adeptus est.

De epistolis, quæ alteram Voluminis hujus partem faciunt, nunc dicendum restat, paucis tamen, ne in nimium excrescat relatio. Collectæ fuerunt trecentæ hæ, quæ exhibentur a *Parrio* editore, ex aliis compluribus lectu minus dignis: digestæque fere secundum temporum, quibus quælibet scripta, seriem, quandoque tamen per incuriam, non adeo exacte servatam: quibus superpondii loco adjiciuntur septendecim aliæ, nec ab *Usserio*, nec ad *Usserium* exaratae, sed alios quosdam viros egregios attingentes, quæ inter reliquas defuncti schedas una repertæ fuerant. De epistolis vero hisce Latino partim, partim Anglico idiomate scriptis, vel ideo pauciora nobis verba facere licebit, quod maxima earum pars aut meram continet verborum civilitatem, aut novas gestorum particularium relationes, aut quæstiones, quæ dein resolutæ non apparent: etsi quæ forte sunt diligentius elaboratæ, aut de materiis eruditioribus tractantes, ita comparatæ sunt, ut earum tenor vix adeo arctis lineis, quales hoc nostrum institutum ex-

poscit,

poscit, includi valeant. Speciminis tamen loco paucarum saltem contenta indicabimus. In *Ep. 3. Guilb. Eyre* Usserio communicat sciagraphiam operis cujusdam latioris, a se contra Josephi Scaligeri opinionem, de punctis vocalibus Hebræorum eorumque antiquitate componendi: quod an postea perfecerit, non satis constat: certe materia hæc fusius posthæc a Buxtorfio, Capello aliisque tractata fuit. In *ep. 10. & seq. Sam. Wardus* varia eaque curiosa, primas Canonum collectiones concernentia annotat. *Ep. 22. 23.* quæ Usserium autorem habet, fusius discutitur quæstio de universalitate satisfactionis Christi, ac respondetur iis, qui eundem ob hac de re totam opinionem, heterodoxias postulare fuerant annisi. *Ep. 49.* idem ex Walafrido Strabone aliisque probat, antiquioribus Ecclesiæ Christianæ temporibus, hodiernum morem templa præcise orientem spectantia extruendi, non ita attentum fuisse: quorsum dubio procul referendum fuit Parisiense templum S. Benedicti, cujus altare occidentem versus ædificatum permansit ad tempus usque Francisci I, quo demum mutata structura situs ejus correctus fuit; unde hodiernum vocatur *S. Benoist le bien tourné*, uti narrat *Dn. le Maire* in Descriptione Lutetiæ. *Ep. 101. seq.* Radulphus Skinner prolixam facit recensionem de scriptis Maimonidis, quæque imprimis erronea, aut etiam proficua & ad Scripturæ explicationem facientia inde annotari mereantur. *Ep. 77.* Thomas James annotat, in antiquissimis, quæ viderit, exemplaribus Juris Canonici nullum apparere vestigium Donationis Constantini. *Paleas* quoque quæ ibi notantur, multum variare; dum ibi plures canones pallearum nomine veniant, quæ in recentioribus exemplaribus ita non appellantur; & vice versa. *Ep. 99.* scribit Usserius, se ex Mesopotamia nactum esse vetus manuscriptum Syriacæ translationis Pentateuchi, ut & illas particulas novi testamenti, quæ in versione ista hætenus desideratæ fuerint, videlicet Historiam adulteræ, II. Epistolam Petri, ut & Johannis Epistolam II, III, & apocalypsin. Quemadmodum etiam hinc inde Thomæ Davis epistolæ ex Aleppensi civitate ad Usserium exarata exhibentur: cujus opera videlicet mediante transmitti sibi curavit manuscriptum Pentateuchi Samaritanum, quod primum fuit ex iis, quæ ad occidentales has oras unquam pervenerunt, quoque etiam commodato usus est Waltonus in adornandis bibliis suis Polyglottis. *Ep. 105.* multis probatur, Israelitas non per transversum maris rubri tran-

tran-

transiisse, ut quidem Geographorum plerique sibi persuaserint, sed ad ejusdem lateris litus oblique regressos fuisse. In *ep. 162.* differitur de efficacia baptismi in infantibus, uti *ep. 205.* de sanctificatione sabbathi ejusque cum in primitiva Ecclesia, tum apud exterarum gentium observatione. *Ep. 233.* agitur de ratione scribendi apud prisca Saxonum, ac exhibentur alphabeti apud ipsos usitati literarum. *Ep. 267.* Usserius multis examinat opinionem Capelli ejusque Criticam Sacram, utpote arbiter a Capello electus inter ipsum et antagonistam ejus Bootium. Inter alia ibi inculpatur Capellus, quod accuratam illam Pentateuchi versionem a 70 interpretibus curante Ptolemæo Philadelpho concinnatam, quæ tamen (ut Usserius statuit) in famosæ illius bibliothecæ incendio una perierit, confundat cum laxiore illa totius veteris Testamenti translatione, quæ quidem vulgo eodem titulo superbiat, at post quartum demum annum regni Ptolemæi Philometoris a Dositheo quodam Judæo confecta fuerit. *Ep. seq. Thom. Walley* probare annitur, Adamum per plures dies & annos forte in Paradiso commoratum, nec inde tam propere, ut quidem vulgo creditur, exactum fuisse. Plura hujusmodi allegare ad vitandam prolixitatem superfedemus. Quod reliquum est, appendix vitæ Usserii subnectitur, directæ præcipue contra criminationes D. Petri Heylin, qui in Tractatu, cui nomen fecit: *Respondet Petrus*, Usserium incusaverat, ac si conformitatem doctrinæ ac disciplinæ ecclesiasticæ Anglicanæ scriptis suis violasset: quod tamen ab ipso neutiquam factum esse per singulos articulos controversos latius ostenditur. Concernunt vero hi 1. moralitatem sabbathi, 2. discrimen inter Episcopum & Presbyterum, 3. universalitatem redemptionis Christi, 4. modum præsentia corporis Christi in S. Cœna, 5. potestatem remittendi peccata ministris Ecclesiæ competentem, 6. descensum Christi ad inferos. Denique id quoque tacendum non est, subjici catalogum plenarium omnium Usserii scriptorum, tam impressorum, quam MStorum, extantium æque ac deperditorum: quemadmodum & in ipsa vitæ descriptione non omisit Parrius ad singulos annos commemorare, quando quodlibet præcipuorum ejus operum in lucem publicam prodierit, breviter enarrata cujusvis materia ac methodo: quorum tamen hic facere mentionem noluimus, partim quod eruditus jam tum satis nota existimamus, partim quod de Vita ac Epistolis, non de libris ac operibus

peribus ejus differere nos jussit præsentis Voluminis rubricâ ac præcipuus scopus, unde hac quidem vice præter necessitatem latius divagari nolumus. Nisi forte id unum moneri adhuc commode potest, *Usserii Annalium V. & N. Testamenti* editionem tertiam, ad Londinensem & Parisiensem collatam, Bremæ impensis H. Braueri superiori anno prodidisse.

THE WORKS OF Dr. HAMMOND;

id est:

Henrici Hammondi Doctoris Theologi Opera.
Londini, impensis R. Royston & R. Davis 1684, in fol.

JACOBO Usserio *Hammondum* jungere æquum videtur, cum dogmatibus, eruditione, fide in Regem, ac quas ea de causa subiit, persecutionibus, itemque, quod caput est, amicitia mutua *Usserio* conjunctissimus fuerit. Illius argumentum sunt epistolæ eorum amœbæ, quæ in *Usserianarum Volumine*, n. 241, 242, 243, 244, 245, 246, leguntur. Nec optimam heic occasionem prætermittendam opinamur, qua Clarissimo Joanni Clerico Amstelodamensium Professore, communi orbis literarii nomine in memoriam revocemus spem amplissimam, quam in *notis ad Davidis & Stephani Clericorum opuscula*, de Hammondi operibus Latine non sine augmento edendis, liberalissime fecit. Quamvis enim in *Bibliotheca Universali Historica* instruenda occupatus nunc esse feratur, nulli tamen ambigimus, quin aliquam subcissivarum horarum partem operi tantæ molis dudum sacram esse jufferit, nosque adeo & quotquot bonarum literarum amore ducuntur, voti nostri, quod in *Actis* anni 1685 p. 234, exposuimus, propediem competes facere valeat.

Quæ vero impræsentiarum differere animus est, duorum generum sunt. Alia enim *Hammondi*, alia *Operum* ejus historiam illustrabunt. Illuc faciunt, quæ habentur in ejus *Vita* tomo I. *Operum* præfixa, auctore Johanne Fello, Oxoniensi, dum in vivis erat, Episcopo, cujus Manibus dignissimum successorem Samuelem Parkerum merito gratulamur. Hinc ergo compertum habemus, natum esse Nostrum d. 26. Aug. 1605. *Certesia* Surriæ oppido, patre Joanne Hammondo, Henrici principis Jacobi R. filii archiatro. In schola *Etonensi* Latinam Græcamque linguam perquam sibi familiarem reddidit, posuitque Hebrææ

bræ rudimenta; dignus eapropter habitus, qui decimo tertio ætatis anno in Academiam *Oxonienſem* profectus, mox inter Collegii Magdalenſi *Demifocios* (quos vocant,) anno autem 1612 inter *Socios* legere-tur. Poſt, ubi ſupremum in Philoſophia gradum conſcendiſſet, *Phyſicam* publice prælegere, vicibusque binis *Langtonio* præſidi paren-tare juſſus eſt. Ordinibus ſacris anno 1629 initiatus, paulo poſt pri-mam in theologia lauream obtinuit. Anno dehinc 1633 *Reſtor* Ec-cleſiæ *Penſeburſianæ* conſtitutus, concionum frequentia, ardore præ-cum, ſolicita ſacramentorum diſpenſatione, eleemoſynarum decima-rumque erogatione, modeſtia item, eruditione vitæque ſanctimonia omnibus placuit, cum primis vero *Briano Waltono* Wintonienſi Epi-ſcopo, cujus etiam beneficio Archidiaconi *Ciceſtrenſis* muneri præfe-ctus eſt. Anno 1639 Theologiæ *Doctör* creatur.

Sed tota jamjam Anglia inteſtinis bellis tum temporis conſla-grare cœperat. Jam Regi fidum rituumque antiquitus receptorum tenacem fuiſſe, criminis morte piandi nomine rebellibus cenſebatur. Quia igitur fidei in Regem ſibi conſcius erat *Hammondus*, fuga ad lares *D. Buckneri*, quo tutore olim gavifus fuerat, elabitur, die 25. Julii, a. 1643. Cum autem incertus percrebuiſſet rumor, *Hammondum* illic locorum ad capitis ſupplicium quæri, *Oxonium* petit. Hinc Londinum comi-tatur Ducem *Richmondanum* Comitemque *Southamptonienſem*, Le-gatos Regios, qui de pace cum ſeditioſis tranſigere debebant. Illis tunc a concionibus privatis erat Noſter. Mox *Uxbrigiz*, cum aliis ſuarum partium theologis, colloquio intereſt cum Presbyterianis habi-to. Sortitus illic fuerat adverſarium *Vinium* quendam, qui præter ex-pectationem, argumentorum calumniarumque indigeſtam molem ex charta recitat. *Hammondus* nulla mora calamo excipit ſingula notisque auget, adeo ut cum ille legendi finem feciſſet, ſolidam jam-jam abſolviſſet reſponſionem; qua audita *Vinius* Deum ſanctosque angelos teſtes vocavit, *etiã ſi memoria nunc non ſuggereret, quod re-ſponderet, alio tamen tempore id ſibi facillimum fore.* Meruit hoc ipſo a Rege locum inter *Canonicos Collegii Eccleſiæ Chriſti*, ab Academia ve-ro *Oratoris* titulum. Anno 1645 menſe Martio inter *concionatores aulicos* regios cooptratur. Interea *Scoti* Angliſ Regem vendunt. Ra-pitur is captivus in caſtellum *Holdenby*. Ægre tandem *Hammondus* cum aliis ad Regem admittitur. Nec illum deſerit; cum *VVoburnam*,

Hamptoncourtium, denique in insulam *Wight* deducitur, locum non carcerem mutaturus. At anno 1647 circa natale Servatoris festum, totum Regis famulitium, cujus pars *Hammondus* erat, insula *Wight* excedere jubetur. Reversus *Oxonium*, Subdecani munere intrepide fungitur. Parlamenti decreto igitur exiit officio ac libertate. Exegerat septimanas decem in carcere, cum in *Novum Testamentum annotationes* suas auspicaretur; venia vero a Parlamento obtenta *Claphamum* deportatur, ubi familiaritate *Philippi Warvickii*, & vernacula Commentariorum suorum Latine primitus exaratorum versione, custodiæ molestias fefellit. Cum vero anno 1649 *Carolus* capite multassent parricidæ, nec patroni deessent tanto sceleri, *Ashamus* nempe & *Goodwinus*, non potuit sibi temperare *Hammondus*, quin ab horum calumniis innocentissimum Regem vindicaret. Hoc tamen scriptum hodiernum superstes esse, non putamus. Vertente dein tempore, pristinae libertati restitutus *Westwoodum* in *Vigornia* tendit, hospitem ibi nactus *Johannem Pakingtonum*. Cumque paulo post *Carolus II.* jus suum in patrium regnum armis vindicaturus, *Vigornia metropolin* cognominem accessisset, vidit illum *Hammondus*, clementissime ab eo exceptus, literasque ab eo obtinuit, quibus Anglicanam religionem, cujus causa divus Pateris martyrium subiisset, toto pectore se amplecti testabatur, dumque viveret, defensurum se spondebat. Inter hos civilium bellorum strepitus, qui Regi faventibus lucuosissimi fuerunt, maximam operum suorum partem *Hammondus* enixus est, quibus tum Scripturæ facem accendit, tum depravatos seculi mores emendare annisus est. Sed & contra secus sentientes pugnandum erat, quos inter familiam ducebant e Pontificiis *Nobilis* quidam, ejusque armiger *S. W.* e Presbyterianis *Cavdry* & *Jeanes*, ex Independentibus denique & Anabaptistis *Orvenus* & *Tombs*. Hi omnes longe minorem terrorem ipsi incusserunt, ac alia hostium classis, *podagra*, malum *colicum*, *spasmus*, &c, ex quo d. 25. Aprilis a. 1660 mortuus est, *rennum calculus*. Impedivit hoc pacto mors, quo minus Dicecesi *Vigornien*si præficeretur. Illius quippe curam a Rege *Carolo II.* cujus reditum anxie tunc præstolabantur subditi ad sanioerem mentem redacti, sibi destinatam esse resciverat. Exuvix ejus in Ecclesia Parochiali *Hamptonensi* die sequenti tumulatae sunt. Atque hæc hæctenus in prima & tertia sectione ab illustrissimo *Fello* dicta noveris. Sectione autem

autem media *περσπογορφίαν* Hammondi facunde persequitur, omnesque tum corporis tum animi dotes justo ordine enarrat. Videas heic illum in virtutes ejus evagari, singulasque exemplis aliquot memoria sane ac lectu dignissimis illustrare.

Matrimonium nunquam iniit, quod sobole non egeret, qui in tot tantisque ingenii *fatibus* semper se fore superstitem haud vane sperare poterat. Horum nunc catalogum ac historiam texere operæ erit pretium. Sequemur autem ordinem servatum in ultima hac studio *Wilhelmi Fulmanni* curata editione, ubique annotatur, quo tempore & loco quilibet illorum publicam lucem primitus aspexerit. Distinguuntur *Voluminibus quatuor*. Primum complectitur opera practica, alterum polemica, tertium & quartum exegetica. De singulis distinctius nunc agemus.

Volumine igitur PRIMO exhibentur (1) *Catechismus Practicus*, editus olim Oxonii anno circiter 1644. (2) *Apographum* Epistolarum aliquot amœbarum *Autoris* Catechismi Practici & *Francisci Cbeynellii* Oxon. 1647, in 4. (3) *Vindiciæ trium* locorum Catechismi practici, Lond. 1648, in 4. (4) *de Conscientia*. (5) *de Scandalo*. (6) *de ἐθελοθρησκεία*. Hanc opusculorum trigam edidit Oxonii 1644. in 4. (7) *de Superstitione*, Oxonii 1645, in 4. (8) *de Idololatria*, Oxonii 1646. in 4. (9) *de peccatis infirmitatis & perviciæ*, Oxonii 1645. in 4. (10) *de pœnitentia serâ moribundi*, ibidem 1645. in 4. (11) *de correptione fraterna*, Londini 1647. in 4. (12) *de resistentia adversus magistratum legitimum sub religionis pretextu*, Oxonii 1644. in 4. (13) *Epistola ad Fairfaxium*, data 15. Jan. 1648, qua a supplicio Regis capitali ipsum ejusque Concilium bellicum dehortatur, impressa Londini 1649. in 4. (14) *Ejusdem Vindiciæ* Londini 1650. in 4. (15) *Conspectus* novi directorii, ac *Vindiciæ veteris Liturgiæ*, Oxonii 1645. in 4. (16) *Considerationes mutationis Regiminis ecclesiastici*, Oxonii 1644. in 4. (17) *de Potestate Clavium*, Londini 1647. in 4. (18) *de Religionis Christianæ cum sana ratione convenientia*, Londini 1650. in 12. (19) *de articulis fundamentalibus* Lond. 1654. in 12. (20) *de schismate*, Londini 1654. in 12. (21) *Parænesis ad filios Ecclesiæ Anglicanæ*, cum discursu *de Hæresi*, Londini 1656. in 12. (22) *Epistola* responsoria ad sex *questiones*, quæ agunt *de methodo decidendi controversias in Scriptura nondum clare diremptas, de matrimonio cum sorore uxoris, de polygamia & divortis, de baptismo infantum, de*

impositione manuum in ordinatione, denique de celebratione Natalis Domini aliorumque festorum, Londini 1653. in 12. (23) Discursus pacificus de Gratia & decretis divinis, Londini 1660. in 8. (24) de penis infernalibus Oxonii 1664. in 12. (25) Precationes duæ, Lond. 1660. in 8.

Volumen SECUNDUM, polemicum ac bipertitum est. Parte priori habentur scripta Antipapistica, quibus præmittuntur (1) Vicecomitis Falklandii discursus de infallibilitate, quam Ecclesia Romana habere se putat. (2) Exceptiones Pontificii cujusdam contra hunc Falklandii discursum, Oxonii 1646. in 4. (3) Alia responsio ad eundem discursum, cum Falklandii replica, Londini 165-- in 4. (4) Epistola Gualteri Monzæcutii ad Patrem suum H.E. de Manchester, de causis conversionis suæ ad religionem Romano-Catholicam, una cum Responsione tum Patris tum Vicecomitis Falklandii. Londini 1641. in 4. Sequuntur Henr. Hammondi (1) Replica ad Nobilis Pontificii B.P. responsionem ad Tractatum de Schismate. Accessit relatio de Appendice quam H. T. suo Controversiarum Manuali annexuit, de responsione a Dinotho Abbate Bangoriensi data Augustino Monacho Gregorii Magni P.R. Legato, se nempe cum ceteris Britannicis ecclesiis, parere Archiepiscopo Caerleonensi, non Romano Episcopo, Lond. 1654. in 4. (2) Dexteritas illius, qui tractatui de Schismate arma detrabere conatus est, sub examen revocata, opposita cuidam S.W. auctori Schismatis armis exuti, Lond. 1656. in 4. (3) tertia defensio tractatus de Schismate, cui inseritur conspectus possessionis & traditionis oralis, qua Papistæ gloriantur, juxta methodum Whitii, Londini 1659 in 4. (4) Αὐτὴν ἀληθεύειν, sive brevis relatio de Pontificii hominis adversus tertiam defensionem objectionibus. Lond. 1660. in 4. Altera parte Voluminis secundi continentur ea, quæ sequuntur: (1) Dissertationum de Episcopatu vindicatio ab exceptionibus Ministrorum Londinensium, in libro, cui titulum fecere: Jus divinum ministerii Evangelici, Lond. 1654. in 4. (2) Responsio ad Joannis Oweni animadversiones in Dissertationes de Epistolis Ignatii, quique iisdem nititur, Episcopatu. Lond. 1654. in 4. (3) Secunda Apologia pro H. Grotio, sive vindiciæ digressionis de eo, contentæ in responsione ad Oweni animadversiones, Londini 1655. in 4. (4) Ejusdem continuatio. Londini 1657. in 4. (5) Pædobaptismus defensus contra exceptiones Tombii in Antipædobaptismo. Londini 1655. in 4. (6) Relatio de viciplici Diatriba auctore Cavvdrey, de superstitione, ἐπελοθεσηκεία & festo

festo natali Servatoris, Londini 1654. in 4. (7) *Εκτενέστερον* sive de *gradibus fervoris precum Christi*, conciliatis cum ipsius gratia habitualis plenitudine, contra authorem *Mixturae Theologiae Scholasticae & Practicae*. Londini 1656. in 4. (8) *Ευχρηστώνως καὶ κατὰ τὸ ἔμ*, sive *fundamenta uniformitatis*, juxta 1. Cor. XIV, 40. vindicata ab exceptionibus *Jesui*. Londini 1657. in 4.

Volumen TERTIUM constituunt *paraphrasis & annotationes in universos N.T. libros*. Lond. 1659. fol.

Volumine denique *QUARTO* continentur (1) *Paraphrasis & Annot. in Psalmos*. Lond. 1659. fol. (2) *Commentarius in Proverbiorum Capita X. priora*, nunquam antea editus. (3) *XXXI Conciones*, quarum novem priores *obligationem Christiani ad pacem & charitatem* demonstrant, impressæ Londini 1649. in 4. Sequentes duæ aliquot *utiles regulas sacerdotibus aequè ac populo observandas* exponunt, typis olim Londinensibus exscriptæ anno 1657. in 8. Reliquæ novendecim varii argumenti sunt, antehac editæ Londini 1664. in fol. Et hæc quidem *Hammondi opera* hactenus recensita *Anglica lingua conscripta sunt omnia*.

Illius igitur *Linguae ignari* si *specimen cupiant rerum ab Hammondo memoriarum proditarum*, evolvant *Matthæi Poli Synopsis Criticorum*, Trajecti ad Rhenum anno superiori ex recensione Clarissimi Theologi *Joannis Leusdeni*, sumtibus *J. Ribbii, J. Van de Water, & Fr. Halma* recusam. Illic enim amplissima ex *Commentariis in Psalmos & N.T.* excerpta reperire licebit. Agmen claudit biga hæc operum *Latinorum*: (1) *Dissertationes IV. de juribus Episcopatus*, adversus *Blondellum*, Londini 1651. in 4. (2) *de Confirmatione, sive benedictione post Baptismum solenni per impositionem manuum Episcopi celebrata, commentarius*, *Dallæo* ac *Maresio* oppositus, editus quondam Londini 1661. in 8.

OROPHILE EN DESORDRE, OU L' ART

convaincu d' imposture dans l' usage de la

Seigneurie, h. e.

Orophilus confusus, sive Ars convicta imposturæ in usu venæsectionis.

Colonæ, anno 1686. in 12.

Nihil frequentius circa morborum curas in Gallia fieri, quam ut repetita sæpius venæsectione sanguis prodigatur, nemo facile ignorabit. Hujus autem perversi moris vanitatem perstricurus auctor præsentis scripti anonymus, ad genium fabulæ Romanensis voluit nonnihil commentari, forsan ut suavius alliceret Lectorem, ac interspersis subinde poematis floribus delectaret. Existimat autem venam secandi consuetudinem ex illarum numero rerum esse, quarum error mater, fraus & impostura obstetrix, & præoccupata vulgi credulitas nutrix est. Nam primum ejus inventorem putat a diabolo esse edoctum hanc praxin, ne tamen id innotesceret, finxisse ab hippopotami exemplo, certo tempore mare egressi, super calamos recens exsectos femora convolutis & crura, ut pedibus vulneratis cruor egestus sagina distentum faciat levem, si licet uti verbis Ammiani ex L. 22, introductam istam sanguinis prodigalitatem. Nec facile magis brutum concipi consilium posse, quam demere sanguinem, spiritus, vires & vitam, ubi natura victrix debet evadere mali non nisi per vires, spiritus & vitam ipsam superandi. Id quod fusius deducit probando in sanguine vitam nidulari, omnesque actiones vitales ab eo dependere. Hinc de exemplis loquitur eorum, qui vel ex usu venæsectionis perierunt, vel vitam breviorē aut infelicem reddiderunt. Nam & cruribus vel brachiis mutilatos, marasmo confectos, visu privatos, in pallorem coniectos, ictero defædatos passim ait occurrere. Mox fermento & digestioni ventriculi nocere incisionem venæ, ac inde totius corporis œconomix vim inferri fusius declarare nititur. Sicut vero temeritatis arguit eos, qui phlebotomiam celebrari jubent: ita imprudentiæ notas non effugituros autumat, qui ipsi se subjiciunt. Enimvero abominaturum statim, qui consideret, hoc juvandi prætextu Galliarum Reginæ vires vitamque in vigore ætatis suæ ereptam: & numerum infantum, tanquam innocentium victimarum, esse innumerabilem, quos crudelitas matrum gravidarum per frequentes venæsectiones immolarit. Pergit deinde perstringere finem, quem perniciosam, ut vocat, hujus praxeos sectatores proponunt, & operosa demonstratione evincere conatur, corruptionem in sanguine, quamdiu per vasa sua in circulum currit, plane impossibilem esse, nec illam ex varietate coloris aut consistentia emissi cruoris innotescere posse. Imo nec fermenta maligna sanguini illapsa sic corrigi, nec fermentationes febriles

briles h.m. supprimi. Quid quod corruptio sanguinis potius accersatur per venæsectionem, quam avertatur. Et si illam concipere liquor vitalis queat, tamen vanitatem remedii in venæ aperturam positi, ex lege circulationis perpetuæ facile apparere. Ac frustra omnino delectum venarum secundarum, & huic vel illi visceri aut parti respondentium institui, quod plus noxæ, quam utilitatis, ceu prolixius monstrare præsumit, inde inferatur. Absurdum quoque esse, & in mortem proximi destinatum consilium, educere 20 vel 30 partes purissimi optimique sanguinis, ut una vel duæ partes aliquali corruptionis nota damnandæ eliminentur, mistura boni malive satis cognita. Atque hoc idem fere esse, ac si quis 30 fidissimorum sibi amicorum occidere haud vereatur, modo vel unicum inimicum inter illos latentem simul perimat. Quicquid etiam de revulsione, derivatione & plethora auctores specioso prætextu interferant, aliquot rationibus destruere satagit, ut ubivis meram illusionem & fraudem manifestam detegat. Galenum denique & Celsum meticuloſe admodum venæsectionem præcepisse, ita ut doctissimus quidam Medicorum bene asseruerit, si quis Galeni juxta monita velit se gerere, rarissime occurruras esse valetudines, quibus mederi per hoc remedii genus liceat. Hinc Cratonem, Cnoëſelium, Brunonem, ac obiter quoque Helmontium allegat, ejusmodi sanguinis effusionem plane detestantes: Hippocratis vero aphor. 6. sect. 1. male a quibusdam auctoribus in favorem venæsectionis detorqueri ostendit. Tandem ut quis aversetur cum horrore istam medendi methodum, facile credit moveri posse, quod ipsius origo sit monstruosa, intentionem DEI lædat, leges naturæ aboleat, effectus horribiles producat, falsitatem indicationum prodatur, vanitatem prætextuum aperiat, & illusionem fundamenti fraudesque omnes patefaciat.

SPECIMINUM SINICORUM ANDRÆ MUL-

LERI Greiffenhagii DECIMÆ DE DECIMIS, una cum

Mantisfis.

Anno 1685, fol.

PRidem est, quod Auctor tota Europa ob cognitionem Sinicæ litteraturæ celeberrimus varia scripta sua ad nos misit, quæ cum aliorum copia superioribus annis recensione nostræ subtraxisset, novissimū eorum,

rum, cujus titulum adscripsimus, nobis in memoriam rediit hoc tempore, quo de salutifera Domini passione in Ecclesia agitur. Etenim Specimen illud Sinicum nihil aliud est, quam *Disquisitio de Eclipsi Passionali* in Sinicis etiam Annalibus descripta, quæ res non solum in admirationem Huetium aliosque eruditos rapuit, sed insignem quoque confirmationem Religionis Christianæ suppeditat, qua impulsus Müllerus Disquisitionem hanc instituit, præmissis textu Sinico, notis genuinis descripto, cum lectione Mandarinica, synonymis variarum linguarum, & versione Latina, quam in gratiam Lectorum subiungemus: *Anno septimo Imperatoris Quang-vu-ti, durante vere, Luna tertia, Sol sub Quei-hai densam patiebatur Eclipsin: cum huiusmodi Edictum Imperator universis populis promulgabat: Est hoc opus superioris Domini. Quare vocula & usitatus titulus noster Xim porro ne usurpetur a supplicibus, nec admittatur a scribis aut cancellariis.* Subjicit Mullerus *Notas ad versionem Latinam lectu dignissimas.* Hinc sequitur *Specimen Lexici Mandarinici*, per occasionem vocis *Xim*, quæ in textu palmaria est. In eo præsertim notatu digna sunt, quæ differit Mullerus ex authentico Confutii textu circa Huetii observationem, ac si iste Philosophus Sinicus de Messia olim venturo obscuram quandam spem gesserit. Postea ipsa *de Eclipsi Passionali Disquisitio* inchoatur, in qua post descripta *testimonia veterum tam sacra, quam profana*, exhibetur summa omnis generis conjecturarum & relationum de anno, mense & die passionis Dominicæ, statimque demonstratur verum tempus, per hypothesin ad thesin deductam, sustinetque Mullerus, *Christum mortuum esse anno Æra vulgatae XXX.* Hæc excipit summa variarum opinionum de Eclipsi passionali, pariterque demonstratur vera sententia, per hypotheses ad theses deductas, qua contendit Mullerus, *I. veram fuisse Eclipsin*, contra Africanum, Origenem & Cedrenum, qui improbant, recte Eclipsin dici, quod de *caussa efficiente* concedit Mullerus, non de *effectu.* *II. esse eandem eum Phlegontea*, contra Vossium, Keplerum, Bodinum & Curtium, quia consonant anni; utrinque dicitur, Eclipsin factam esse hora sexta; utrinque dicitur, *εν πανσεληνω*, in plenilunio; utrinque mentio fit subsequuti terræ motus. *III. esse eandem cum Quang-vu-tiana, in Sinis observata*, contra Yam-quam-sien, Sinam, Christiani nominis hostem acerrimum, qui inficiabatur in libro anno 1666 edito, ullam in Sinarum Commentariis

memoriam hujus Eclipseos inveniri. Sed reppererunt eam in annalibus Sinicis Hadr. Greslonius, & Joh. Dominicus Gabiani, quorum verba describit Mullerus, additque eundem locum se invenisse in istis Annalibus anno 1683 Berolinum ex India translatis, & jussu Serenissimæ Electricis in Germanicam linguam vertisse, & nihil non congeffisse, quod ad historię hujus illustrationem faciat. Quare desiderium integri operis in eruditis concitavit, cujus sciagraphiam & titulum eidem Dissertationi intexuit. Proposuit ibidem quinta editione *Clavem Sinicam*, toto jam orbe celebratam, qua statuto aliquo præmio patefacere vult *Arcanum illud* impossibilibus a plurimis adnumeratum, quo *Sinicorum characterum lectio facile, & facilius, quam ullius alius scripturæ, expediri, totaque legendi ratio exactissime cognosci potest*, ut scribit num. 10. Imo plura pollicetur num. 14. *Nihil autem est, quod amplius promittam, nisi quod soluto sub cautione præmii dimidio (alioqui, ne in sinistras manus post fata deveniat, nihil de fruenda Clave laborans) Deo dante, intra semestre, aut citius Clavem concinnaturus, posteaque quemcunque, etiam mulierculas & pueros, intra paucos dies docturus sim, ut nihil non integrorum contextuum ex quibuslibet libris aliisque congrue scriptis chartis, non Sinice quidem, sed Latine vel Germanice, vel Anglice, vel Gallice, vel Belgice, vel alias legant.* Subdit denique *Catalogum tam librorum Sinicorum Bibliothecæ Electoralis Brandenburgicæ, CCC circiter tomorum, quam Sinicorum, aliorumque rariorum, maxime manuscriptorum, in privata sua Bibliotheca exstantium, nec non Indicem Opusculorum suorum tam editorum, quam editioni paratorum.*

Hæc sunt, quæ isto Mulleri Specimine continentur. Misit autem ad nos, ut diximus, alia etiam scripta sua, quæ breviter indicabimus, quum maximam partem longe ante initium Actorum nostrorum prodierint. Etenim Berolini anno 1673 excusæ sunt *Symbola Syriaca*, duabus partibus constantes, quarum prior exhibet *Epistolas duas Syriacas amœbaas*, unam *Mosis Mardeni, Sacerdotis Syri*; alteram *Andræe Massii, Icti & Consiliarii olim Cliviaci, cum versione & notis*: posterior *Dissertationes duas de rebus iidem Syriacis*, alteram *de Mose Mardeno*, alteram *de Syriacis librorum sacrorum versionibus*. Sequuta est anno 1674 *Monumentum Sinici* (de quo Kircherus aliique Pontificii mirum in modum gloriati sunt) *Historia, Textus, Illustratio per Commentarios, &*

Examinis Initium. Præterea emisit in lucem *Abdalla, Persæ, Historiam Sinensem*, Persice & Latine, cum notis marginalibus & appendice duplicis itineris, quorum alterum Legatus Russicus, alterum Zacharias Wagnerus Dresdensis, cum in alias orbis partes, tum præcipue in Sinam confecerunt. Deinde *Commentationem Alphabeticam de Sinarum magnaue Tartariæ rebus*, multis notatu dignis observationibus refertam, de *Abdalla* pag. 1. de *Annalibus Sinensium* p. 4. 5 de annis eorum, sive Chronologia p. 5. 6. 7. ubi hæc habet inter alia: *porro stupendus ille annorum numerus, quem Sinæ comminiscuntur, non tam Chronologicæ, quam Rhetoricæ intelligendus est, arbitror. Consueverunt enim nihil non myriadibus deputare, quæ magnifice extollere amant.* Porro de *Chimia Sinensium* p. 10. de *Confutio* pag. 11. 12. 13. 14. 15. de *Creatione & Antiquitate mundi* ex Sinensium sententia p. 15. 16. 17. de *Horda* p. 28. 29. quam vocem Mogolicam, & castra regia proprie significare statuit. de *Medicina Sinensium* p. 40. 41. de *Serpentibus* p. 51. qui nobis detestabile, Sinis *auspicatum* animal: ubi simul addit, serpentem ex abyssu fumarum, cujus Ferd. Mendez Pintus in suo itinere multoties meminit, non esse signum Pinti, ut nonnullis visum est. Pleni enim, ait, hujusmodi draconum & serpentum sunt libri Sinensium, Brachmanum, aliorumque. *Fabulæ absque omni dubio ex Historia primis serpentis confictæ videntur.* Denique de *Tataris* p. 55. 56. 57. 58. 59. 60 & 61. de *Ue-Kiao*, selecta Sinensi, quæ Xacam sequitur, & in Sinam ita trahit anno Christi 66, Evangelium in India superiore spargente Bartholomæo Apostolo &c. Protulit hinc Mullerus *Basilicon Sinense*, quo primorum hominum, Regum & Imperatorum Sinensium seriem, nomina, cognomina, ætatem, res quasdam gestas, aliaque, ab exordio ad nostra usque tempora comprehendit, & cum annis ante & post Christum natum componere studuit Berolini anno 1679: *Mappam Geographicam*, e mappa amplissima, quam ipsi Sinæ ediderunt, in angustiore formam traductam, & Latinis litteris expositam: *Nomenclatorem Geographicum Imperii Sinarum Alphabeticum*; *Epistolas de invento Sinico amabæas* Inven. tis & Kircheri, Adami Adamandi & aliorum: *Orationem Dominicam* tam Sinice seorsim, quam conjunctim centum fere versionum: *Hebdomadem Observationum Sinicarum*: denique *Specimen Analyticæ Litterariæ*, quo in Responso ad Ludolfi epistolam ostendit, partem Orationis Dominicæ in Copticam linguam versæ Æthiopico caractere expressam esse;

esse; imo affirmat, quamlibet ignotam linguam cognoscere sese & interpretari posse.

Hæc sunt præcipua, quæ lingua Latina edidit celeberrimus autor, qua cum alia, tum Germanice etiam nonnulla publicavit, inter quæ præfertim ad res Sinicas spectant, quæ Grebnizio opposuit, nec non Catalogus Annalium Sinicorum eorundemque argumenta, quæ anno 1683 Berolini partim in quarto, partim in folio impressa sunt. Quod superest optamus, ut clarissimo viro liceat propediem feliciter in publicum proferre, quæ domi suæ parata partim, partim affecta habet, majus præcipue opus *de Eclipsi Trinuna; Examen Monumenti Sinici; Commentarium de Pentateucho Ebraico anno Christi 334 scripto, & similia*, quæ rei sacræ & litterariæ magno commodo esse possunt.

D. PETRI STOCKMANS OPERA OMNIA,
nunc primum in unum corpus collecta.

Bruxellis, typis Jodoci de Griecq, 1686, in 4.

SI sola nobis novitatis ratio habenda foret, quæ quidem in hoc scribendi genere maxime legentium animos demulcet, facile commemorandis his clarissimi Stockmanni operibus superfedere in totum possemus, utpote quæ antea separatim prodierant, & nunc uno volumine exhibentur. Ast in defectu tamen scriptorum juridicorum recentium, quorum quidem pauca ad nos proximis mensibus pervenerunt, non ingratum fore jurisprudentiæ cultoribus existimavimus, si quam paucissimis argumentum atque scopum operum Stockmannianorum indicaverimus. Prior itaque pars complectitur Decisiones Brabantinas, ut inscribuntur: quibus id potissimum intendit autor, ut eam juris partem, quæ receptis jurisprudentum sententiis absolvitur, in Brabantia regionibus vigentem elucidaret. Tametsi vero ipse agnoscat, se hac in re jamjam alios prævios habuisse, puta *Job. Deckerum, Franciscum* item & *Henricum Kinschotios* aliosve; nihilominus se hoc præ illis præcipui habere contendit, quod istis quidem nec jus suffragii in auditoriis causarum fuerit, nec aditus ad intima patuerit consilia: cum e diverso sibi per 20 annorum spatium in Dicastriis sedere, ac fundamenta decisionum velut coram intueri atque imbi-

bere contigerit. Expromunt vero hæc decisiones partim receptas per totam Brabantiam consuetudines, v. g. quod ibi filii familias testamenta condere valeant de iis etiam, in quibus patri ususfructus & administratio competeat; quod inter spurios eorumque matrem nulla admittatur successio, sed fiscus utrobique præferatur; quod bonorum possessioni, *Unde vir & uxor*, locus non sit, verum deficientibus omnibus etiam cognatis non conjux, sed fiscus succedat; quod legitimatis per rescriptum Principis nullum jus sit ad successionem ab intestato; quod donatio quingentos licet solidos excedens insinuatione non indigeat; quod sponsonibus super incertis eventis initis nulla tribuantur vires; quod jura testamentorum & codicillorum in totum adæquata sint, nec plures ad utrorumque validitatem quam duo testes cum notario requirantur, ne quidem in cæci ultima voluntate: ob eandem tamen testium paucitatem judicatum fuit, legatum ibi locorum peti non posse, quod uni e testibus illis in testamento relictum esset. Partim vero etiam Decisiones hæc concernunt particularia quorundam locorum ejus ditionis statuta, iisque tanquam fundamentis innotuitur: exempli causa, quod Antverpiæ locus non sit *Senatus Consulto Vellejano*; quod apud Bruxellenses optio competeat viduis, an pacta nuptialia servare malint, an vero his posthabitis ea capere, quæ alias ex statuto iis deberentur; item quod ejusdem civitatis consuetudo omnimodam patri æqualitatem injungat, servandam in testamento inter liberos, in tantum, ut & fidei commissum uni filiorum injunctum pro invalido habeatur, nec illud per taciturnitatem filii suam portionem acceptantis convalidetur. Verum enim vero his aliisque hujusmodi compluribus, hic alias prolixius commemorandis, ob rationem supradictam merito abstinemus. Alteram Stockmanni operum partem absolvit tractatus de Jure Devolutionis, apud plures quidem gentes quadantenus obtinente, Brabantia tamen incolis maxime recepto ac quasi proprio: quod nil aliud est, quo paucis nos in re non ignota expediamus, quam vinculum quoddam, quod dissoluto per mortem matrimonio consuetudo injicit bonis immobilibus conjugis *superstitis*, ne ea ullo modo alienet, sed integra conservet ejusdem matrimonii liberis, ut in ea succedere possint, si parenti huic superfuerint vel ipsi, vel qui ex iis nati fuerint, exclusis liberis secundi vel ulterioris *thori*. Naturam itaque hujus juris e fundamentis explicat autor,

specialia permulta ad perfectam ejus cognitionem facientia tradens, ac dubia complura desuper orta removens. In specie cum huic capiti haud postrema Regis Galliae in Brabantiam praetensio innitatur, occupatus est in demonstrando, quam infirmo pede Gallorum petitio nitatur; quamvis insimul protestetur, se publicorum istorum negotiorum minus gnarum, nec ulla publica instructum autoritate hae de privato saltem Devolutionis jure commentari. Ceterum cum Tractatum hunc anonymus quidam autor, natione Gallus ut videretur, impugnavisset, quo hujus argumentis obviaret, secundam ejus partem scribere permotus fuit, cui denique & tertiam, cum secundam quoque idem anonymus subruere adgressus esset, superaddere pro ulteriore sua defensione necessum habuit Autor.

*DETERMINATIO FR. IOANNIS PARIISIENSIS
Prædicatoris, de modo Existendi Corpus Christi in
Sacramento Altaris, alio, quam sit ille, quam tenet Ec-
clesia: nunc primum edita.*

Londini apud J. Cailloüe. 1686, in 8.

DOctor ille Scholasticus ante trecentos circiter annos vixit, cum aliis scriptis, tum hac praesertim Determinatione, ut vocat, famosus. Quam qui in Anglia edidit, exulem se in istas oras delatum (forsan ex Gallia) innuit in dedicatoria ad Archiepiscopum Cantuariensem epistola, cui has litteras nominis sui indices subscripsit: *P. A. E. A. P.* Idem vir doctus & reformatæ religioni addictus, tractatui Ioannis praefixit *Præfationem Historicam de dogmate Transsubstantiationis*, qua id veteri Ecclesiae fuisse incognitum, & cum primum in lucem emerfit, pro dogmate, quod ad Christianam fidem pertineret, habitum non fuisse ostendit. Prius ex Chrysofomo, Theodoro & Gelasio confirmat. Posterius superiori seculo omnes, qui supra vulgus sapuerunt, falsos esse monet, ac nuper illustrem Pontificium e Gallia agnovisse, cujus de Transsubstantiatione scriptum Gallicum, quo statuat, id dogma pro articulo fidei obrudi non posse Protestantibus, propediem ipsius jussu se editurum pollicetur anonymus, addens, illi se debere copiam *Determinationis Ioannis Parisiensis*, quam nunc emisit, eique illustrandæ dictam *præfationem adjunxit*, in qua tria præstare voluit.

I. Non fuisse Transubstantiationi, seu quæ a Nicolao secundo, seu quæ a Gregorio VII super eodem argumento definita sunt, ac Berengario tanquam de fide præscripta. Quam in rem utramque formulam exhibet, & Gregorium VII de Transubstantiatione fluctuasse, ex ejusdem Commentario in Matthæum MSto probat. Paulo post Rupertum Tuitiensem *impanationem* vel invenisse, vel repertam ab aliis propugnasse statuit, & contra Gerberonium sustinet. Addit, hoc ipso ævo non multis annis post Rupertum acriter impugnatam fuisse Nicolai definitionem, & varias de transubstantiatione sententias viguisse, idque ostendit ex Abbaudo, Gualtero, Petro Lombardo, Petro Pictaviensi, aliis. II. Innocentium tertium in Concilio Lateranensi primum & solum Transubstantiationem sub anathematis pœna in dissentientes definire molitum esse, neque tantam tamen obtinuisse auctoritatem, ut omnes sine dubitatione subscriberent, sed varias potius sententias agitent atque foverent. Quod cum ex aliis plurimis Scholæ Doctoribus, tum ex Joannis præsertim Parisiensis Determinatione commonstrat. Hunc magni nominis fuisse ait, qui in primis in controversia inter Philippum Pulchrum & Bonifacium VIII delectus videatur, ut jura Regia adversus Pontificis Romani ausus defenderet. Eundem Magistros Parisienses æquos suæ Determinationis iudices antea expertum, paulo post iniquos passum fuisse, quippe a quibus Thomistarum opera, lectione, id est, professione publica, & prædicandi jure illi interdictum fuerit. Verum Joannem non cessisse adversariis, curiamque Romanam appellasse, sed post suum eo accessum morte obivisse. Putat quoque, Thomistas in comitiis illis Parisiensibus superasse, allata auctoritate Innocentii Tertii in Lateranensi Concilio, quod tamen a plerisque Pontificiis pro generali habitum non esse demonstrat, nec a Gallis pro tali agnosci posse, ob doctrinam de jure deponendorum Regum ab Innocentio in isto Concilio definitam, sed a clero Gallicano in suo cœtu generali anno 1682, tanquam errorem Regio Statui plane exitialem rejectam. Monet denique, illustrem Anglum Pontificium, Prestonum, sub Widringtoni titulo, in libro adversus Lessium, quem *discussionem discussionis* inscripsit, hujus Concilii Lateranensis discussisse auctoritatem, & nullam fuisse apud ipsos Pontificios, demonstrasse. III. A Joannis Parisiensis tempore super eo dogmate non convenisse scholæ Pontificiæ Magistros. Quod plurimorum nominibus

bus scriptis que allegatis comprobat, Lectoremque remittit ad Considerationes Guil. Forbesii de dogmate Transubstantiationis, in quibus superioris seculi virorum inter Pontificios illustrium sententias super ea Innocentii definitione laudet; quos sequuti sint Petrus de Marca, Joannes Barnes Benedictinus, & alii.

Finita præfatione exhibet *Willelmi Malmesburiensis* Præfationem & epilogos librorum Amalarii de divinis officiis, quæ supra promiserat pag. 24. Dehinc sequitur tandem ipsa *Determinatio Joannis Parisiensis*, qui statim initio profitetur, se existentiam veram & realem corporis Christi in Sacramento Altaris defendere, sed non audet dicere, quod opinio de permanentia accidentium sine subjecto sub fide cadat. Quare aliter salvari posse arbitratur realem existentiam, cedere tamen paratus, si ostendatur dictus modus determinatus esse per sacrum canonem, aut per ecclesiam, aut per generale concilium, aut per Papam. Posthæc prolixè exponit ac defendere satagit suam sententiam, quam hoc modo declarat: *sicut igitur Christus vere moriebatur per communicationem idiomatum, per humanitatem assumptam, sic corpus Christi pars manducatur & atteritur per communicationem idiomatum per assumptam paneitatem, mediante ipso.* Existimat porro, antiquos modernosque doctores idem statuisse, & ex his nominat Guidonem de Cluvigny, qui determinavit in quodlibeto, corpus Christi esse in altari per assumptionem; & similiter panem esse corpus Christi per idiomatum communicationem, & dixerit, se si Papa esset, illam sententiam confirmaturum. Subjicitur denique epicrisis Collegii Magistrorum in Theologia Parisiensium, qui utrumque istum modum ponendi Corpus Christi esse in Altari, tenent pro opinione probabili; quia vero nullus determinatus sit per Ecclesiam, idcirco nullum cadere sub fide pronunciant, anathemati subjicientes, quicumque determinate adsereret, alterum præcise cadere sub fide. De quibus omnibus Lectores pro sua prudentia facile judicabunt. Nec quisquam erit, qui non videat, Johannem nostrum Parisiensem eo vixisse & scripsisse tempore, quo regnavit in scholis styli barbaries.

S. CLEMENTIS EPISTOLÆ DUÆ AD CORINTHIOS. Recensuit & notarum spicilegium adjecit Paulus Colomesius, bibliotheca Lambethana Curator. Accedit Thoma Brunonis Canonici Windesforiensis Dissertatio de Therapeutis Pbilonis. His subnexa sunt epistola aliquot singulares, vel nunc primum edita, vel non ita facile obvia.

Londini, impensis Jacobi Adamson 1687, in 8.

Clementis Romani ad Corinthios epistolæ, quanto reliquis sub ejus nomine vulgatis sinceriores sunt, & a primæva simplicitate minus alienæ, tanto plus operæ iisdem edendis, in alias linguas transferendis & illustrandis impenderunt Viri antiquitatis ecclesiasticæ studiosi. Laudati hoc nomine in Colomesii præfatiuncula *Patritius Junius*, qui insigne hoc ætatis apostolicæ monumentum ex vetustissimo codice, quem manu Theclæ nobilis fœminæ Ægyptiæ circa concilii Niceni I. tempora exaratum, Cyrillus Lucaris ex Alexandrino Constantinopolitanus Patriarcha, per Thomam Rovvæum ex oriente reducem, Carolo I Angliæ Regi dono miserat, anno 1633 primus e tenebris produxit; *W. Burtonus*, qui anno 1647 Anglice vertit & uberioribus notis exornavit; *Joachimus Johannes Maderus*, qui anno 1654 Junianam editionem Helmstadiensibus typis exprimi curavit, & nova præfatione addita, genuinum esse hunc Clementis fœtum, contra quendam nostratum Theologorum demonstravit; *Johannes Baptista Corelerius*, qui anno 1671 inter opera S. Patrum Apostolis cœvorum, universa Clementis Romani opera, adjectis doctissimis notis evulgavit; *Johannes Fell*, Oxoniensium nuper antistes, qui anno 1677 utramque Clementis ad Corinthios epistolam, minori quidem forma, sed notis non minus doctis conspicuam repræsentavit, & *Ezechieel Spanhemius*, qui priorem Clementis epistolam ad Corinthios jam olim in Gallicam linguam transtulit, sed publici juris hæcenus nondum fecit. De se ipso horum exemplum imitatus *clarissimus Colomesius* nihil addit, sed quid in nova hac editione præstiterit, lectoris judicio relinquit.

Præmissa est de Clementis & ejus epistolarum tempore *Godofredi Vendelini* divinatio, quam etiam *Labbæus T.I.* concil. utriusque Clementis

mentis ad Corinthios epistolæ adjunxit. Sequuntur ipsæ Clementis epistolæ breviusculis notis illustratæ, prior cum versione *Patritii Junii*, posterior cum versione *Vendelini*, cui & aliud Clementis fragmentum ex Damasceni parallelis *Cotelerio* interprete subjunctum legitur.

Accedit ad has Clementis epistolas, *Thomæ Brunonis* de Therapeutis Philonis adversus *Henricum Valestum* dissertatio, quam in Vosiana bibliotheca servatam hæcenus & inde acceptam, Colomesius luce publica dignam censuit. Existimat autem Bruno, Therapeutas illos Philonis, Essenorum sectæ quondam addictos, postea Marci Evangelistæ, cui Alexandria ecclesia origines suas debet, ministerio ad Christianam fidem transisse, quod Eusebii & Hieronymi autoritate probat, duos obesse sibi scrupulos asserens, quo minus in aliorum sententiam concedat. Unus eorum est, cur locus, ubi Therapeutas suos Philo versatos fuisse tradit, loco, quem ab Ascetis Christianis frequentatum Palladius in historia Lausiaca memorat, adeo sit similis, ut lac lacti, ovum ovo non possit esse magis; cum tamen Judæos viribus potiores, a Christianis sedibus suis expulsos fuisse, minime probabile videatur: alter vero, cum tres insignes Judæorum sectæ fuerint, Pharisei, Sadducei & Esseni, & per omnes mundi plagas tot Pharisei & Sadducei reperiantur, qui fiat, ut statim a tempore Philonis ad hunc usque diem Essenorum secta prorsus evanuerit? Quos scrupulos nulla ratione commodius eximi sibi posse contendit, quam si Essenos a Marco ad fidem Christianam allecctos statuatur. Cum vero *Henricus Valestus*, in suis ad Eusebium notis, Therapeutas a Philone descriptos, neque Essenos, neque Christianos fuisse censeat, ejus argumenta pro utraque assertionis parte allata ordine recenset, & ad singula respondet. Corollarii loco juramentum illud Essenorum explicat, quo se juxta Josephum obstrinxerunt, se præcepta religionis nemini aliter, quam ipsi acceperint, esse tradituros, a latrocinii abstenturos, nec non sectæ suæ libros & angelorum nomina observaturos esse. Existimat autem, eos per Sacramentum Dominici Corporis ac Sanguinis jurasse, quod ab initio nascentis ecclesiæ pro juramento fidelitatis habitum fuerit. Porro Essenos, cum se ad custodiendos sectæ suæ libros obligarunt, ad Eleazari, Aristobuli aliorumque veterum Judæorum scripta, allegoricam legis expositionem continentia, digitum intendisse censet, ad quæ Christum etiam respexisse suspicatur, cum Joh, V, 39. Judæis Scripturæ scrutinium commendat,

quasi de Christo ex Scripturæ cortice parum cognoscere potuissent, nisi ad allegoricos sectæ suæ libros recurrissent. Per nomina autem angelorum, verba nunciorum Dei seu ministrorum conciones publicas intelligit, cum τὰ ὀνόματα apud Philonem, Eusebium & Porphyrium haud raro idem significant ac τὰ ῥήματα, & angelos pro quibusvis nunciis usurpari constet.

Clandunt hoc volumen rariores aliquot clarorum virorum epistolæ, partim nondum hactenus vulgatæ, partim accuratius editæ, aut rarius obviæ, quarum argumenta brevissime referemus. I. Eubulus Cordatus, seu qui sub hoc nomine latet *Ulricus Huttenus*, *Montesium* post Alexandrum VI & Julium II, quorum pessimos mores notat, sub Leone X meliora sperare jubet. II. *Johannes Calvinus Lælium Socinum* a portentosis speculationibus gravissima objurgatione dehortatur. III. *Hugo Grotius* a *Johanne Crellio* laudatus paria rependit, de nonnullis utriusque scriptis differens. IV. *Justus Lipsius Franciscum Villerium* ad Romanam, a qua desciverat, ecclesiam reducere conatur. V. *H. Grotius* ad *Vossium* de *Salmasio* scribit. VI. *Jac. Sadoletus* suam erga *Sturmium*, *Melanchibonem* & *Bucerum* benevolentiam testatur. VII. *Hier. Groslotius Jacobo Lectio Josephi Scaligeri* Scazontem in urbem Romam legendum probandumque mittit. VIII. *Jacobus Bongarsus* scrupulum ex infelicibus Protestantium armis conceptum, in sinum *Joachimi Camerarii* effundit. IX. *Card. Richelius Barleii* panegyricum remuneratur. X. *M. Hospitalis* falsos de se rumores, qui ad *Pii IV* aures pertigerant, dispellit. XI. *Cælius Calcagninus*, in litteris ad *Jac. Zieglerum*, viros quibuscum Romæ familiariter versatus est, imprimis *Hieronymum Aleandrum*, *Egidium Cardinalem*, *Fabium Ravennatem*, *Raphaelem Urbinatem*, & *Paulum Jovium* commendat. XII. *Johannes Bona* mittit *Luca Acherio* Capitulare Aytonis, ut spicilegio suo, quod a Summo Pontifice laudatum refert, inserat. XIII. *Andreas Masius Georgium Cassandrum*, cujus nomen in expurgatorium indicem relatum fuerat, Erasmi societate solatur. XIV. *Cornelius van Drebbel* phænomena quædam optica recenset. XV. *Petrus Molinaus Lancellotto Andrevves*, quid de episcopali ordine sentiat, exponit. XVI. *Lancellottus* responderet. XVII. *Robertus Scheilderus Seb. Tegnagelio Freberi* & *Casauboni* mortem nunciat, & leoni mortuo insultat. XVIII. *Andreas Schottus Casaubonum* a Calvini doctrina & scriptis polemicis avocare conatur.

conatur. XIX. *Beza* Cod. MSC. quatuor Evangelist. & Act. Academiae Cantabrigienſi donat, ejusque avulgaribus codicibus discrepantiam observat. XX. *Samuel Petitus Samueli Sorberio* nepoti suum de episcopalis hierarchiæ antiquitate judicium aperit. XXI. *Jacobus Sirmondus ad Seb. Tegnagelium* scribens, de nonnullis Petavii, & Ducæi, & sui ipsius lucubrationibus agit. XXII. *Claudius Sarravius* data ad *Jac. Ufferium*. epistola, Græcam Bibliorum editionem a *Frontone Duceo* susceptam, a Romanis impeditam & suppressam memorat. XXIII. *Christophorus Carleilus Castalionis* biblia commendat. XXIV. *Cornelius Valerius Mureto* discipulum suum *Lipsum* commendat. XXV. *Ger. Job. Vossius* studium antiquitatis, & *Forbesii*, ad quem scribit, institutiones historico-theologicas commendat. XXVI. *Johannes Boisius* se ab *Henrico Savilio* Chrysoſtomum edituro in societatem laboris vocatum gaudet, & ecclesiæ ministros ad Chrysoſtomi lectionem invitat. XXVII. *Petrus Carolinus Andreæ Dudicii* favorem captat, & an ab orthodoxa de Deo doctrina defecerit, explorat. XXVIII. *Petrus Molineus*, in literis ad *Montacutium, Casaubonum* arguit, quod ad papismum inclinēt, ejusque apostasia metuenda sit, nisi in Anglia servetur. XXIX. *Job. Bapt. Folengius* laudes, ob commentarium in Psalmos ab amicis in se congestas, modesta sui extenuatione declinat. XXX. *Job. Stechta Costelecius* sectam Pyghardorum repræsentat. XXXI. *Erasmus* ad hanc epistolam respondet, & quid in hac hæresi culpandum, tolerandum probandumve censeat, exponit. XXXII. *Arias Montanus Philippum II* Hispaniæ Regem de cavendis Jesuitis monet. XXXIII. *Hoperus* ex carcere *Johannem Calvinum* de morte Eduardi VI, & deplorato Angliæ statu certiore facit. XXXIV. *Richardus Coxus Georgium Cassandrum* per literas consulit, an imagines Christi crucifixi in templis erigere liceat. XXXV. *Johannes Juellus Josiæ Simlero* pro icone Petri Martyris, & libello de ejus vita & obitu, alioque contra Stancarum edito gratias agit. XXXVI. *Thomas Cranmerus Vadiani* sententiam de Eucharistia sex libris defensam, sibi non probari candide fatetur. Addit tamen *Colomesius*, ipsum postea a *Ridlejo* persuasum sententiam mutasse. XXXVII. XXXVIII. & XXXIX. felix reformationis in Anglia progressus breviter narratur. XL. *Johannes Hokerus* idoli Cantiani imposturas patefactas, idemque a populo frustillatim comminutum memorat. XLI. *Philippus Melancthon Gulielmo Bellajo Langeo* articulos quosdam fidei mittit, concordiæ tractandæ

causa a se compositos. XLII. *Josephus Hallus M. Antonium de Dominis* a consilio Romam redeundi graviter & prolixè dehortatur. XLIII. *Edmundus Grindallus Zanchii* constantiam in tuenda sententia laudat, & quis rerum in Anglia status, refert. XLIV. *Andreas Dudithius Quirini Reuteri* discessum votis prosequitur. XLV. *Melanchthon ad Camerarium* de reformatione Hermanni Colonienſis Episcopi scribit. XLVI. *Cyrillus Lucaris Metrophanem Critopulum*, Theologiæ discendæ causâ in Angliam missum, Cantuariensî episcopo commendat. XLVII. Respondet episcopus, & hunc ex Græcorum seminario surculum Oxoniensî academiæ insertum memorat. XLVIII. *Cyrillus Lucaris* in literis ad eundem episcopum *Georgium*, Jacobi Regis mortem dolet, & successorî *Carolo felix imperium* precatur. XLIX. *Friderici IV* Electoris Palatini confessio fidei *Rudolpho II.* Imperatori exhibita. L. *Jacobus Bongarsius*, quid de *Bodino* ejusque libris de republica cognoverit, *Rittershusio* communicat. LI. *Anniani Celedensis* præfatio in *Chrysoſtomi* homilias de Pauli laudibus, auctior & emendatior, quam in editione operum *Chrysoſtomi* a *Duceo* curata legitur. LII. *Beatus Rhenanus* de diffensionibus in ecclesia & pacis impedimentis queritur. Subjungitur *Casauboni* judicium de ritibus ecclesiæ Anglicanæ, e manuscriptis ejusdem ephemeridibus depromptum. LIII. *Muretus* ad *M. Ant. Ciofanum* scribit, cur cum *Nathane Chytræo* aliisque peregrinis, a Romana religione alienis, nihil commercii habere velit, & *Manutium* Romam invitat. LIV. *Johannis Quistorpii* ad *Bernardum Taddelium* de Hugonis Grotii obitu relatio. LV. *Ludovicus Crocius Gerbardum Johannem Vossium* hortatur, ut edat historiam ecclesiasticam de mysterio SS. Trinitatis, cujus spes a *Wolzogenio* sibi facta fuerat.

LE VRAY SYSTEME DE L' EGLISE, &c.

Par le Sieur Jurieu Docteur & Professeur
en Theologie. i. e.

Petri Jurieu, Theologiæ Doctoris & Professoris ve-
rum Systema de Ecclesia & Analyſi fidei.

Dordraci apud viduam Caspari & Theodorum Goris

1686, in 8.

De

DE *Autore* multis scriptis *clarissimo*, quorum non pauca in Acta nostra retulimus, præfari superfluum foret. Apparet etiam ex titulo libri, contra quos potissimum (quanquam & aliis passim respondeatur) opus hoc compositum sit; *Nicolium* nempe & *Ferrandum*. Id vero lectione, siquid judicamus, dignissimum tantaque argumentorum & rerum notabilium copia refertum, ut difficile fuerit, compendium ejus exhibituros prolixitatem vitare. Factum inde, ut reliquis in mensẽ proximũ dilatis, nunc primi solum libri contenta exponamus.

Quam in principio libri de *Præjudiciis contra Papisum* Autor proposuerat, *Ideam de Ecclesia*, a nobis in Actis a. 1685, pag. 527. breviter relatam, prolixius *libro hujus operis primo*, per XXVI capita probationibus firmandam, & ab objectionibus liberandam sumfit. Insuper ante omnia comparationi inter hominem, qui ex corpore & animo constat, & inter Ecclesiam, cujus anima fides est & charitas, corpus professio fidei & externa charitatis praxis, quæque & vere fideles & hypocritas continet; & occurrit difficultatibus, quæ opponi possent.

Cap. II. excludit ab Ecclesiæ idea triumphantem, respondetque ad loca Scripturæ, quibus ea pro parte Ecclesiæ haberi videtur; excludit etiam electos nondum natos, & rejicit divisionem Ecclesiæ in visibilem & invisibilem velut duas, nisi quatenus invisibilitas ad animam ecclesiæ, i. e. veram fidem & charitatem internam, visibilitas vero ad professionem Christianismi externam, i. e. ad corpus ejusdem Ecclesiæ referatur. Hinc *cap. III* dogma Romanum, quod hypocritæ & mali vera ecclesiæ membra sint, vehementer improbat, & qualis disputatio inter *Arnaldum* & *Malletum*, ejusdem licet religionis doctores versetur, ostendit; item quomodo *Augustini* sententia a *Scholasticis* discrepet, cum ille veros fideles pro parte essentiali Ecclesiæ habeat, Scholastici solum pro integrante. Absurditatem postea *cap. IV* demonstrat, cum ex *Augustini* dictis, qui hypocritas pro veris Ecclesiæ membris non habet, concludere velint, concilia non errare, etsi fieri possit, ut non nisi hypocritæ in illis sedeant. *Cap. V.* diversum respectum, quo quis membrum Ecclesiæ dici possit, pluribus explicat, veramque rationem, de qua jam *cap. I.* aliquid dixerat, assert, per quam fiat, ut hypocritæ muneribus ecclesiasticis in docendo & sacramenta conferendo fungi possint; quia nempe salubris doctrinæ & sacramentorum fructus ex Dei operatione dependet, cui hypocritæ externam

tantum

tantum actionem commodant, atque ideo instrumenti solum locum obtinent: ad infallibilitatem vero requiritur speciale Spiritus S. regimen, quod malis non contingit. Secundum systema suum (*cap. VI.*) docet, in illis Ecclesiæ universalis cœtibus particularibus, qui totam veritatem revelatam retinent, neque dogmata aut cultus, qui fundamentum tollunt, adjecerunt, salvari homines, *per doctrinam quemadmodum proponitur*: in illis, qui fundamentales articulos retinuerunt, adjecerunt autem falsos, salvari *conservando ea, quæ revelationi conformia sunt, rejectis, aut non explicitè & pertinaciter admisissis, quæ ultra fundamentū adjecta sunt*: In illis deniq; in quibus non sunt errores, qui fundamentū auferant, licet id debilitent, *ita salvari, qui erroribus adhaerent, quemadmodū salvantur, qui peccata, quæ venialia vocantur, committunt, neq; tamen eorum veniam aperte petunt, quia ea ignota habent*. Errores enim non fundamentales in peccatorum venialium & ignorantium numero esse; interim remissionem peccatorum in genere peti, eamque ex magna Dei misericordia obtineri. Ex hac Ecclesiæ idea fieri, ut baptismus in cœtibus corruptis administratus, ab Ecclesia puriori non rejiciatur nec repetatur. *Cap. VII.* ex historia Ecclesiæ deducitur, baptismum hæreticorum primum rejici, & separari cœtus ob hæresin coepisse in Asia, ob monstrosas priorum seculorum hæreses a Simone Mago propagatas, quæ nil nisi nomen Christianismi retinuerint & *Mabometismo* fuerint deteriores: transiisse eundem morem in *Africam*, præsertim *Cypriani* tempore. *Stephanum* vero Papam a *Cypriano* dissentientem, distinctam de unitate Ecclesiæ notitiam non habuisse in eo, quod omnium hæreticorum, etiam in fundamento errantium, baptismum admitti voluerit, ideoque recte ei quoad tales, v. g. *Gnosticos* & *Marcionitas*, a *Cypriano* responsum, & *Nicæe* in concilio legitime distinctum fuisse inter hæreticos; retento quorundam, rejecto aliorum baptismo, illorum nempe qui divinitatem Christi sive SS. Trinitatem negabant, etsi formulam baptismi eandem, quam orthodoxi adhiberent. Notat quandam Augustini circa factum istud difficultatem, sed *cap. VIII.* strictè ejus sententiam de unitate Ecclesiæ & de hæresibus examinat, & licet eum sui seculi maximum Theologum esse agnoscat, non satis tamen in hoc puncto sibi constituisse existimat, ita ut *Donatista* de hæreticorum baptismo rectius senserint; aliquando tamen eum ad justam Ecclesiæ ideam rediisse: magis

vero *Hieronymi* opinionem cum idea ista convenisse putat, *cap. IX.* Format itaque statum quæstionis (*cap. X.*) hoc modo, quod ipse Ecclesiam catholicam & universalem in omnes sectas extendi statuatur, inque iis omnibus, quæ fundamentum religionis Christianæ non sustulerunt, vera reperiri ecclesiæ membra putet, etiamsi unitæ externis vinculis non sint, aut mutuo etiam sese excommunicent; adversarii vero asserant, Ecclesiam ad unam solum societatem restrictam esse, sub externo capite aliisque ritibus. Hanc autem sententiam crudelissimam & absurdissimam, pureque *Donatisticam* esse contendit, sive Romanæ, sive Græcæ, sive alii cuicumque Ecclesiæ applicetur; neque fieri posse credit, ut illi aliquis serio adstipuletur, sed astu diaboli paradoxon hoc soveri, ut simpliciores repagulo illo in cœtibus retineat, a quibus absque hoc separare se non difficulter possent.

Magnam inde argumentorum aciem pro tutanda sua & destruenda adversariorum sententia educit, quorum *primum* est ab Ecclesiæ dilatatione per orbem terrarum, cujus divinæ promissionis implementum demonstrari nequeat, stante restrictione ad societatem quandam externo vinculo unitam, & exclusis separatis seu schismaticis cœtibus; ubi iterum in Augustini traditis quædam notat, sed majores adversariorum errores producit, qui dilatationem illam Romanæ Ecclesiæ applicant, ita ut & cum *Donatistis* consentiant. Taxat speciatim, quod sufficere putent, si quosdam suæ religionis sparsim in variis provinciis habeant, Pontifici adhærentes: item quod semper in frequentiori Ecclesiæ sanam doctrinam quærendam esse existiment, cum id repugnet vaticiniis sacris de ultimis N. T. & Antichristi temporibus, in quibus dilatio quidem per totum orbem locum habebit, sed major nihilominus multitudo & potentia apud eos futura indicatur, qui Antichristo adhærent. *Secundum* argumentum *cap. XI.* sumitur a prædicta mixtura bonorum & malorum, sive tritici & zizaniarum, inter quæ hæreses referre non dubitat, cum non magis obstant universitati Ecclesiæ morum, quam doctrinæ defectus: monstrat etiam quam iniquum sit, quod Romani nulla distinctione, ob leves non minus & paucos, quam graves aut multos errores, totos cœtus condemnent. Notat veteres *Eutybiantorum* & *Nestorianorum* hæreses, hodie non nisi verbales esse. Allegat *Historiam Jobii de Abyssinis*, & *Historiam Criticam de Ecclesiis Orientis*, quæ sub nomine *Monii* prodiit, in Acta nostra a. 1684. p. 490. relata. Sed

pro *Jobio* fortasse V. C. *Jobi Ludolfi* historiam Abyssinam nominare voluit. Adducit pro sententia sua locum Pauli I. Cor. III. 11. 12. ex quo cum aliis argumentatur, per *ligna, fanum, stipulam* intelligi debere errores, & quidem non leves, ob quos tamen usque ad diem Domini separatio non sit facienda. *Tertio* (*cap. XII*) ex conservatione verbi divini & sacramentorum in cœtibus schismaticis concludit, electos in illis esse, cum verbum Dei sine omni efficacia nunquam sit, & non nisi per accidens reprobis prædicetur: concedit tamen horum damnationem non Deo, sed cordis eorū duritiei imputari debere. Excludit ab hoc asserto *Socinianos*, tum ob fundamenti defectum, tum quod ob paucitatem computari pro cœtu aut corpore ecclesiastico non debeant. *Quartum* argumentum *cap. XIV.* sumitur a regno Israelitico, in quo, licet schismatico, Deus tamē electos & sanctos, & prophetas habuerit. Rejicit exceptionem, quod tales schismati non adhæserint: adhæsisse enim, dum Hierosolymas ad festa solennia non venirent. *Cap. XV.* *quintam* rationem facit, quod conversi ex Judæis tempore primitivæ Ecclesiæ schismatici manserint, & cum conversis ex gentibus communionem non habuerint. Notat hic, Zelatores illos legis Mosaicæ *Ebionitas*, i. e. pauperes, teste *Origene lib. 2. contra Celsum*, & Nazaræos vocari, non ab Ebione, qui nunquam fuerit. Errores autem eorum non fuisse de divinitate Christi, sed quod circumcisionem & adorationem in templo Hierosolymitano retinere voluerint; capitaliter utique, sed non contra fundamentum errantes, quia de Christo omnia crediderint, quæ credere debuerint; ideoque ab Ecclesia non fuisse rejectos, ut constare putat ex *Act. XXI, 20. 21.* etiamsi post decretum illud *Act. XV.* in obstinatione sua persistenterent. *Cap. XVI.* progreditur ad argumenta ex adversariorum sententia petita, & ita *septimum* sumit ab æstimatione, quam Græci, ut schismatici, & irreconciliabiliter ab Ecclesia Romana dissidentes, apud eam retinuerunt, eamque probat ex scriptis *Goari Dominicani* in *Euchologia sive Rituali Græcorum*, & *Leonis Allatii*; sed removet quas inserunt exceptiunculas. *Octavum* argumentum adducit, quod concedant Romani, in aliis cœtibus, v. g. Arianis, vera Sacramenta fuisse, quæ gratiam contulerint, & quod hac ratione etiam electi in illis fuerint, non infantes modo, sed et adulti. *Nonum*, ab eorum jactatione, de consensu schismaticorum *orientalium*, in articulo *transsubstantiationis*, qui absurde allegaretur, si alias extra suam Ecclesias omnes damnent.

Cap. XVII. decimo loco habet, quod Romano-Catholici hæreticos Christianorum nomine, imo fratrum, licet errantium appellent, & undecimo quod statuunt, (hodierni saltem) salutem tempore Antipaparam, qui tamen excommunicationibus sese invicem proscindebant, in utroque coetu obtineri potuisse, & respondet adversarii exceptioni, eamque niti monet opinione Gallicana de potestate concilii supra papam, qua admissa hypothesin de unione Ecclesiæ sub pontifice convelli ostendit.

Sic adfertis, quæ proposuerat, objectiones adversariorum examinat a *cap. XVIII.* ad finem libri, quæ, ne abutatur lectorum patientia, quam fieri potest brevissime indicabimus. Respondet d. c. XVIII, ad auctoritatem Augustini & veterum, cui veritatem ipsam ex Scriptura sine ambagibus petendam præfert. Ecclesiam, extra quam non est salus, illam esse asserit, quæ internis vinculis, non quæ externis unita est. C. XIX. removel consecutionem, ac si stante idea Ecclesiæ universalis, liceat cum omnibus sectis communicare, aut in corruptiori persistere, neglecta puriori. *Socinianismus* non magis, ac *Mahometismus*, Christianorum nomen mereri dicitur, licet & hic pro secta ex Christianismo orta habendus sit, *Arianismus* negatur corpus Ecclesiæ constituisse, quia in Episcopis & doctioribus plerumque hæserit, populo æquivocationes eorum non capiente. Distinguitur inter eos qui fundamentum tollunt, & qui præter fundamentum dogmata adstruunt, quod plurimos coetus in orbe, sed maxime Romanos facere notat. *Cap. XX.* ostendit, qui fiat, ut in sectis errantibus aliqui, veluti per exceptionem, salventur (exclusis iterum *Socinianis*;) interim regulam stabilit, quod separatio a cognitis erroribus sub poena damnationis fieri debeat, & quod damnentur, qui scientes ex puriori in corruptiorem sectam transeunt. C. XXI, deducitur, quod necessaria fuerit separatio a Pontificia doctrina, tempore *reformationis*. Explicatur, quomodo inter *Lutheranos* & *Reformatos* communio locū habeat, sine professione opinionum, quas alterutra pars pro erroneis habet, quas tamen negat fundamentales esse. C. XXII, plura affert contra indifferentem communionem inter sectas, & adversus tolerantiam a fanaticis prætentam: negat tamen sectas jam stabilitas vi extirpari, aut ferro & igne stabilimentum earum impediri debere. C. XXIII, examinat, quatenus error tolerari possit; excludit autem erro-

rem juris, C. XXIV. idem facit circa conscientiam errantem, & adimit prætextus persecutoribus, & iis, qui contra fundamentum errant; tractat etiam de fide hæreticis vel dissentientibus servanda. C. XXV. visibilitas Ecclesiæ asseritur, quoad externos quosdam characteres, prædicationem nempe verbi Dei, & rejiciuntur alii characteres, qui tantum conveniunt Ecclesiis particularibus. Defenduntur ista c. XXVI. adversus *Episcopi Meldensis* objectiones, & notatur vocem *Ecclesiæ* in Scripturis semper de visibili accipiendam esse, neque aliam in symbolo Apostolico per *catholicam* intelligi. C. XXVII. perpetuitatem Ecclesiæ adstruit, neque cessare illius existentiam, etsi non semper omnes articulos profiteatur. Negat itaque unquam sublatam aut invisibilem factam esse, ita ut ne sub *Manasse* quidem cessaverit, sed superfuerint qui juxta verbum DEI publice Deum coluerint; mansisse itaque, & visibitem quidem, etiam in persecutionibus & inter hæreses. Respondet ad quæstionem, ubi Ecclesia fuerit ante Lutherum? Fuisse nempe in coetibus, qui ante illum erant; non sequi tamen hinc, semper puram fuisse; ita & ministerium legitimum semper mansisse, licet erroribus docendis occupatum quandoque fuerit.

JUGEMENT SUR LES METHODES
rigides & relaxées d'expliquer la Providence
& la Grace &c. i. e.

Judicium de methodo, & rigida, & laxiori, in explicanda Gratia & Providentia Dei, ad inveniendum medium reconciliationis inter Protestantes Augustanæ Confessionis & Reformatos.

Roterodami, apud Abrah. Acher, 1686, in 12.

Autores scripti, & stylus & alia manifestant; neque invito illo, nomen *D. Jurieu* proditum esse existimamus in *Excerptis Roterodamensibus, mensis Augusti anni proxime præteriti*. Pro majoris operis præfatione libellum hunc compositum esse, in averfa tituli pagina notatur. Præparari autem illud dicitur adversus novas quasdam opiniones Pelagianismo affines, *modernorum* quorundam, qui Autori quidem non nominantur, in excerptis vero modo dictis a *Pajonio* (qui Eccle-

siastes

hastes Reformatorem Aurelianensium fuit) *Pajonista* vocantur. Pro
 fundamento subternitur, *esse Deum, esse providentiam: & Deum esse*
ens infinite perfectum, idque dicitur nec a *Spinosistis* negari, licet ita in-
 fiant, ut ex mundo Deum faciant, cui tamen nec intelligentiam, nec
 libertatem agendi, nisi quatenus hæc bona in homine, sed imperfecte
 deprehenduntur, tribuere possint. Sic *Sect. I.* breviter rejecto *Spino-*
nosismo, Sect. II. Socinianismum etiam ex hoc ipso theoremate, veluti
 aliud agens, proculcat. Inde *Sect. III.* propius accedit ad propositum,
 & a perfectione Entis divini excludit *velleitatem*, & quicquid intra vo-
 tum consistit, & sic non nisi perfectam & determinatam voluntatem,
 & perfectam omnium futurorum & dispositionem & prævidentiam ei
 assignat, sicut & omnipotentiam, & quod omnes creaturæ totaliter a
 Deo dependeant, ut a deo omnes non nisi per Deum subsistant & agant.
 Hunc conceptum Entis perfectissimi, ex rationis lumine deductum,
 Scripturæ testimoniis firmare instituit, quæ univèrsa & singula, etiam
 mala, a Deo non prævideri solum aut permitti, sed (dura alicubi phrasi)
 etiam effici dicat. At ideam hanc magnis difficultatibus laborare non
 difficitur *Sect. IV.*, quia stante illa penetrari nequeat, cur Deus tam bo-
 nus, sapiens & potens, lapsum hominis non impediverit; cur poeni-
 tentiam prædicari faciat, neque tamen vires ad eam omnibus concedat,
 & alia ejusmodi plura. Inde factum ait, ut sententia Augustini tanta
 incurreret odia, quasi Deum causam peccati, imò crudelem & injustum
 sistat, qui peccatoribus æternas poenas irroget, ob actiones, quas ipse
 Deus ab æterno sciverit, decreverit & efficaciter operatus sit. Hinc tot
 methodos indagari cœpisse, per quas sanctitas & justitia Dei in tuto
 poneretur. Ipse itaque Autor nihil magis optare se dicit, quam ut id
 fieri possit; duas tamen conditiones stipulatus (1.) *ut salva maneat idea*
de Ente infinite perfectò, quam proposuit. (2.) *ut omnes omnino difficul-*
tates tollantur, nulla plane residua. Hoc nisi præstetur, satius esse, se in
 sententia veteri, quam Augustino tribuit, immotum relinqui. Jam *Sect.*
V. Socinianorum methodum, qui prædestinationem negant, & ho-
 mini integram libertatem tribuunt, examinat & destruit: in *Scoti* etiam
 & qui eum sequuntur *Scholasticorum* opinione, de decretis Dei *conditio-*
natis, & concursu indifferenti ad actiones humanas, perfectioni Divinæ
 idæ repugnantia ostendere nititur, nec non in modernorum *Scholasti-*
corum invento de *scientia media*; quia ut in fine sectionis hujus loqui-

tur, *Deus nihil praevideat ut futurum, quodque fieri debeat, nisi prius decreverit, quid secuturum sit.* *Sect. VI.* pergit ad examen sententiae de voluntate Dei generali, qua velle dicitur, ut omnes homines salventur, omnibusque remedia salutis porrigit. Sed nec hanc sententiam scrupulis putat carere, quia in hominis potestate esse dicitur, an media illa apprehendat nec ne, qua ratione Dei potestas imminuatur. *Quaerit* porro, si voluntas illa Dei salvandi omnes homines serua est, cur non sit efficax? quid impedire possit omnipotentiam DEI? Rejicit responsum *Malebranchii*, qui dicit, Deum leges simplices sapientiae suae conformes semel statuisse, per quas fieri nequeat, ut omnes salventur. Restare enim ait objectionem, cur tales leges fecerit, & cur eas non mutet. *Sect. VII.* *Remonstrantium* seu *Arminianorum* systema examinat, sed per id sapientiae Dei detrahi docet, & Pelagii dogma foveri. *Modernos* deinde quosdam non magis scopum tetigisse putat, qui statuunt, Deum agere impressione primordiali, sive generali impulsu creaturas movere, veluti si quis rotam in declivia impellat, quae per se postmodum volvitur. Contra hos tractatum, de quo dictum est, *prae parare se refert.* Sententiam inde *Cameronis* ventilat *Sect. VIII.* quam convenire dicit in fundamento, ratione decreti electionis & reprobationis, ut & ratione gratiae efficacis, cum doctrina *Augustini*, & hactenus ab *Arminianismo* discrepare. Notat *Dordracenam* Synodum favere *Infralapsariis*. Interim methodum *gratiae universalis*, licet medium quoddam inter *Semipelagianismum* & sententiam *Augustini* tenere velit, incommodis laborare, atque in ideam Dei, & speciatim in sapientiam ejus impingere. Fatetur quidem suae etiam, quam *Augustino* tribuit, objici posse, quasi DEO tyrannidem & injustitiam tribuere videatur: negat tamen consequentiam, quanquam agnoscat, se non ita se expedire ab illa difficultate posse, ut vellet; iterumque testatur, se multum alicui debiturum esse, qui eximere ipsi scrupulum possit. Transit inde, ut probet, nulla ex aliis methodis conciliari posse odium, quo Deus prosequi peccatum dicitur cum ejus oeconomia in negotio salutis. Redit *Sect. IX.* ad *Cameronis* sententiam, quam *Prosperi* fuisse notat, qua efficere voluit, ut Deus omni culpa vacet, quia omnibus offert Christum; manere tamen existimat nodum, cur non omnibus nationibus praedicari Deus fecerit Christum, vel cur fidem, sub cujus conditione salutem decreverit, per gratiam efficacem non omnibus sed electis solum conferat. Parum vero accurate

judicare ait, ex Theologis Augustanæ Confessionis illos, qui putant magnam esse inter Augustini & Cameronis sententiam differentiam, cum tamen hic absolutum decretum non minus atque ille asserat. Effundit hic querelas de iisdem Theologis A. C. quod in doctrinam de gratia particulari tantopere invehantur, eamque controversiam majoris faciant, quam omnes alias. Speciatim dolet, a D. S. *Sculteto* Particularismum abominabile monstrum vocari, & indignum quem boni viri doceant, in *Dedicat. & Prefat. Antididagmatis*, Bossueto Episcopo Meldensi oppositi, & Hamburgi anno 1684 editi. *Sect. X.* causas allegare incipit, cur A. C. Theologi aversionem a doctrina Gratia particularis moderari debeant. (1.) quia terribile & temerarium sit, Augustinum & tot alios, tum eos qui ex plerisque Europæ provinciis Dordraci convenerunt, pro viris bonis non habere. (2.) quia experientia declarat, salutem particulariter contingere, indeque sensus dictorum Scripturæ, quæ universalem gratiam asserat, ipso facto explicetur. (3.) considerari debere, quod controversiæ inter *Gallos Reformatos* ratione particularitatis & universalitatis, deferbuerint, & quod inter eos nihilominus conveniat (ut de Cameronis discipulis affirmavit) de decreto electionis & reprobationis absoluto. Laudat dein eundem *Scultetum* ab æquitate & mansuetudine, qua in allegato libro cap. 38. p. 652. n. 1069. pro *modico fermento* habuerit opinionem de decreto absoluto. Rogat igitur & illum, & moderatos omnes, ut mitius de *particularismo*, qui absoluto decreto innititur, sentiant, nec opinionem illam pro *monstro horrendo & abominabili* habeant. Notat etiam, *Arnaldum & Jansenistas* non ob dogma de gratia particulari (ut *Scultetus* d. l. n. 1064. scripserit) sed ob alios articulos, quos plerosque *Reformati* cum *Lutheranis* communes habent, tam vehementer debacchari. Quod si ex contestantibus elicere solent, dogmata ipsa dici debeant abominabilia, pro talibus habitum iri doctrinas de *justitia imputata, & de certitudine salutis*, ex quibus quid deducant Pontificii, satis appareat. *Sect. XI.* multus est, ut ostendat Aug. Conf. Theologos non tollere difficultates ex doctrina de prædestinatione, dum non negent, ut ex *Gerhardo* adducit, Deum decrevisse ab æterno, se permissurum aut non impediturum esse lapsum hominis, & concedant, quod peccatum sit ex necessitate, non quidem *consequentis, sed consequentie.* Sic enim manere omnes

illas angustias cogitationum, cur Deus, cum facillime posset, non impediverit peccatum. Monet deinde, nullum systema magis culpam peccati Deo tribuere, quam *Malebranchii*,cujus verba quædam ex *Moral. part. I. cap. 2. n. 7.* vehementer improbat. Ita fieri putat *Seç. XII.* ut *Libertini* & *Athei* ex nullo systemate, quod prævidentiam Dei admittit, convinci possint, Deum non esse causam peccati: neque id *Novatores* hodiernos, de quibus supra dixit, præstituros, nisi cum *Socinianis* statuunt, Deum primum illum impulsum suum absque prævidentia futuri dedisse; imo nec ipsos *Socinianos*, etsi præscientiam negent, cum sapientiam tamen & potentiam Deo tribuant, causam peccati ab eo removere posse. Concludit itaque, inter hypothesein *Augustini*, præscientiam & prædestinationem asserentis, & *Epicuri* aut *Aristotelis*, illam vel negantis, vel supra spheram Lunarem restringentis, non dari opinionem, quæ providentiam Deo tribuat, quin hanc difficultatem secum vehat, de causa peccati in Deum recidente; ita ut una licet obstructa rima, alia subinde aperiatur. Tutissimum itaque esse asserit *Seç. XIII.* in idea de infinita perfectione Dei persistere, eamque ita concipere, ut peccatum etiam permitti ab eo, & pœna peccantium debuerit, si ad gloriam ejus aliquid conferret. Apparere autem id fieri: nisi enim peccatum permisisset, nec justitiæ, nec misericordiæ Dei; nec præmiis, nec pœnis; nec paradiso, nec inferno locum futurum fuisset. Differentiam opinionum, & inde natas rixas, solum ab idearum humanarum ordine & compositione gigni. Ideam providentiæ Dei in sua semper persistere perfectione; in ea non esse ordinem decretorum, sed actum simplicem, de quo omnes, (dissentientes licet in cæteris) consentiant. Ideoque minime decere, aut operæ pretium esse, de quaestione circa causam peccati tantas turbas excitare, cum nulla methodus excogitari possit, quæ illam difficultatem liquido dissolvat. Interim *Seç. XIV.* demonstrare nititur, doctrinam de decreto absoluto & gratia efficaci, religionem non extinguere, sed promovere, & imputationem, ac si fatali necessitate introducta, omnibus peccatis licentia daretur, omneque meritum tolleretur, ipso facto refelli: religiosissimos enim & devotissimos esse, qui cum *Augustino* sentiant; itaque nullum vere pium, licet verbis aliud dicere videatur, in animo *Pelagianum* esse: doctiorum illam hæresin, & theoreticam esse, non populi practicam. Deducit uberius, ut humilitas & agnitio sui ex sententia

tia Augustini nascatur; contra per methodum oppositam, preces & gratiarum actiones minui, & si gratia generalis & prima sufficiat, religionem in ludibrium & mimum verti, neque quicquam superesse, quam exhortationem ad excitandas & impendendas proprias vires. Conciliari itaque posse statuit *Sect. XV* Aug. Conf. & Reformatos coetus & doctores, eo modo quo jam in precum formulis consentiant, in quibus ex utraque parte peccatorum fiat confessio, petatur remissio & ad observanda mandata Dei auxilium gratiæ, denique sequatur gratiarum actio. Enarrat postea, in quibus dogmatibus convenient & convenire debeant, quæ etsi paulo prolixiora sunt, & optandum foret, ut tractatus hic Latine scriptus esset, quo versionum in his materiis difficultas vitaretur, integra quoad sensum adscribemus. Convenimus (1) scribit, Deum esse summum bonum, peccatum esse summum malum. Sequitur itaque, Deo peccatum summe exosum esse. (2) Stante hoc odio, & quia peccatum per se nihil sive privatio est, Deus non potest esse ejus autor. (3) Peccatum absque voluntate & permissione Dei in mundum non venit: sed (4) in prævidentiam & providentiam ejus intravit, quando gloriam suam manifestare, & omnes virtutes suas exercere voluit, hocque fortuito non est factum. (5) Negari nequit Deum, qui ab æterno decrevit peccata permittere, etiam in tempore ea permittere. (6.) Deus tamen nec fecit peccatum, nec potest facere, quia id naturæ ejus repugnat: verum (7) homo id facit, & quidem libere: (8) neque tamen absque Deo illud facit, id est absque providentia Dei; hæc enim in actiones hominis extenditur, & Deus quæ ad motum & actiones creaturarum requiruntur, suppeditat; *in ipso enim vivimus, movemur & sumus.* (9) Quicquid tamen præstet Deus, duæ res certissimæ sunt, prima quod libertas hominis integra manet, secunda quod ad male merendum ipse homo sufficiens sibi causa est, talisque ob quam puniendus venit, & quidem æterna pœna. Fieri autem hoc juste non posset, nisi ipse peccatorum suorum causa esset: nec Deus manifestaret justitiam in puniendis peccatoribus, sed solum supremam potestatem de creaturis pro libitu statuendi. (10) Profitendum est, omnia bona nostra Deo deberi. (11) Non minus asseverandum, ab ipso dari & velle & perficere; ita enim Scriptura expresse loquitur. (12) Agnoscendum est, Deum singulariori modo in bonas actiones nostras, quam in malas influere: efficit enim & juvat, ut bene agamus, non vero juvat in peccatis,

tis, qua talibus. (13) Agnoscendum itidem est, Deum omnes eventus ab æterno prævidisse, & iis prævisis voluisse ab æterno nostram salutem & bona opera, quæ ad eam ducunt. (14.) Confitendum est, præparasse eum in tempore, gratuito modo, omnia media, quæ nos ad finem, id est vitam æternam ducunt; inter illa principale esse mortem Jesu Christi, quæ possibilem facit salutem omnibus credentibus. Asserendum etiam (15) quod Deus per Spiritum suum nos ad vitam æternam ducat, & ad finem hunc obtinendum nos adjuvet. (16) Item quod absque illo impossibile sit donum perseverantiæ habere, & obstacula finem impediencia superare. Neminem inter Christianos putat hæc negare, nisi *Pelagianos*, *Socinianos*, eorumque fautores, inter quos habet, quos vocat, *Novatores*. Certum itaque se esse dicit, de his consentire *Aug. Conf. & Reformatos* doctores. Nonne (ait) hoc satis est? & nonne reliqua plusquam inutilia sunt? Optat ut quæstiones illæ curiosæ nunquam motæ fuissent, quomodo sanctitas Dei cum permissione peccati consistere, quomodo homo liber manere possit, non obstante permissione Dei, decreto æterno, concursu & gratia ejus efficaci. Quid mirum (scribit) si explicare naturam actionum divinarum nequeamus, cum neque essentiam ejus, neque profunditatem actionum & modorum ejus penetremus: infinitus est, ideoque incomprehensibilis. Post alia eodem tendentia, asseverat, per doctrinam de gratia efficaci impietatem minime foveri, licet sollicitudo moveri possit; itaque incumbere doctoribus & conscientiarum directoribus, ut caute hæc mysteria tractent; in exhortando necesse esse *Pelagiano* stylo loqui, sed in dogmatibus sobrie, & ad evitanda infirmorum scandala. Populum duo saltem necessario scire debere, cui alia omnia innitantur, (1) quod Deus sit causa omnis nostri boni; hoc enim necesse est tenere, quia in eo cultus Dei, preces & gratiarum actiones fundamentum habent. (2) quod nos omnis nostri mali causa simus, juxta illud: *perditio tua ex te Israel*. Hoc scire necessarium est, ut fundamentum humilitatis & aliarum virtutum Christianarum. *Sect. XVI.* ad mutuam concordiam requirit, ne odiosa, quæ satis constat neutros docere, sibi invicem objectent utriusque cœtus Doctores. Ita a *Reformatis*, nec *Pelagianismum* *Lutheranis* nec *SemiPelagianismum* objici debere, nec illos cum *Arminianis* confundi, quanquam hi id affectent. Pluribus ostendit, quantum differat *Lutheranorum & Arminianorum* dogma, & ingenue profitetur,

se olim aliter sensit; graviter itaque Arminianorū errores taxat, maxime vero propensionem ad Socinianismum. Monstrat etiam, ut a *Malebranchii* Systemate discrepent, & ad hujus auctoris paradoxon, & immanem universalis gratiæ extensionem, in *Libr. Meditat. Christ. cap. VII. quod satisfactio Christi ad supplendas damnatorum pœnas pertinet*, quædam annotat, nescire se dicens, an ab aliquo id fuerit animadversum. In *Actis tamen nostris anno 1686 relatum id invenietur p. 30. Socianos* non alio sensu pro Christianis habet, quam *Mahometanos*. Doctrinam *Lutheranorum* de gratia Dei in conversione hominis valde probat, adducto loco ex *Sculteti Antididagm. cap. V. p. 27. etiam a Scholasticorum* erroribus absolvit Lutheranos, etsi aliquid circa universalitatem mortis Jesu Christi, & circa decreta conditionalia commune cum iis habeant; Scholastici enim (ait) Pelagiani sunt aut Semipelagiani, & de merito *condigni & congrui*, ac de viribus liberi arbitrii multa prædicant, a quibus utraque Protestantium pars alienissima est. Vicissim *Sect. XVII.* desiderat, ut abstineant Lutherani ab imputationibus duriorum phrasium, quæ primis ex *Reformatis* doctoribus exciderunt, quæque hodie non agnoscunt, sed improbant. Citat quædam ex *Gerhardi* loc. de Elect. c. 10. n. 137. & genium seculi illius aliquid contribuisse putat, ad duras & siccas illas formulas, & quæ emolliiri debuerint. Quid fieret (scribit) si duræ ex *Lutheranorum* libris phrasès, v. g. qua bonorum operum necessitatem rejecerunt, exciperentur, allegatq; *Sculteti* ipsius excusationem ex d. c. V. n. 106. eamque etiam pro *Reformatis* valere debere justum putat. Regerit inde quædam adversus ordinem decretorum, ex sententia *Reformatorum* a Gerardo d. l. c. 3. n. 56. recensitum, & proponit eam, quam Synodo Dordracenæ convenire statuit. Duo sibi adhuc monenda esse dicit, primum, quod *Reformati* ex methodo doctrinæ de gratia legem aut articulum fidei non constituant, ideoque dissensum inter doctores suos permittant. Si qui igitur ex his pro rigidioribus haberi possint a Lutheranis, esse tamen etiam quos probare debeant, ut moderatos, inter quos nominat *Zanchium*, quem & ipse *Bezæ* præfert; se vero sentire dicit, decretum de incarnatione præcessisse decreta de prædestinatione, ac Jesum Christum ejusque gloriam esse maximū opus, quod Deus in decretis suis respexerit, finemque, non medium. Justius esse, ut dicatur a Deo nos prædestinatos esse ad gloriam Jesu Christi, quam Deum, postquam nos prædestinasset, decrevisse

missionem Jesu Christi ad gloriam nostram; nec putat, sibi ob hoc dicam scribi posse. Decretum igitur absolutum & gratuitum profiteri se, verum exclusa tantum prævisione fidei, operum & meriti. Se etiam credere, Christum particulariter salutem electorum destinatum esse, neque cum sapientia Dei conciliari posse, si finem sibi præstituerit omnium hominum salutem, cur eum non fuerit pro potentia sua executus. Repeit, velleitatem & imperfectas voluntates non consistere cum idea perfectionis divinæ. Distinguit incarnationem Jesu Christi ab ejus morte: illam primarium Dei finem esse statuit, ad cujus gloriam electi sint prædestinati: sed morte Christi optabiliorem fuisse salutem nostram, itaque mortem ejus esse medium salutis, salutem vero nostram mortis ejus finem esse; sic nec destinari hanc potuisse nisi pro electis. Ordinem itaque decretorum ex sua sententia talem proponit, (1.) de manifestanda gloria. (2.) de Verbo substantiali cum creatura aliqua, ob majorem gloriæ communicationem & manifestationem uniendo. (3.) de creando mundo. (4.) de uniendo Verbo non cum angelis, sed cum homine per incarnationem. (5.) de permettendo lapsu hominis. (6.) de manifestanda erga corruptam humani generis massam, & justitia, & misericordia Dei. (7.) de relinquenda majori parte hominum in sua corruptione, in quo tamen nulla illis injuria fiat, & de eligendis quibusdam ad salutem. (8.) medium denique constituisse mortem naturæ humanæ in Verbo. *Seç. XVIII.* occurrit objectioni, si doctrina de prædestinatione non habeatur pro articulo fidei apud Reformatos, cur ergo *Arminianos* per decretum *Synodi Dordracena* ex cœtu ejecerint? Respondet, *Lutheranos* non esse per Synodum illam condemnatos, cum eorum sententia ab *Arminianis* longissime distet. Hos enim Christum ex decreto electionis plane excludere, quem tamen *Lutherani* includant, & saltem addant, quod prævisio etiam fidei decretum ingressa sit. Remedium itaque contra *Pelagianismum* in Belgio tunc invalescentem, per condemnationem *Arminianorum* quæsitum fuisse; cæterarum opinionum rejectionem tam rigide intelligi non debere, & libertatem aliis Ecclesiis circa hæc dissentiendi ademptam non esse, neque anathema contra omnes pronuntiatum, qui universalitatem mortis Jesu Christi statuant, aut decretum absolutum negent, sicut nec contra dogma *Supralapsariorum*. Alterum quod *Seç. XVII.* indicare voluit, monitum est, ut *Lutherani* nolint feriores

veriores esse contra Reformatos, quam Romana Ecclesia est contra dissentientes de eodem articulo, v.g. contra *Dominicanos* & novos qui vocantur *Thomistas*, quorum methodus æque dura sit ac *Supralapsariorum*, aut contra horum veluti antipodes *Molinistas*, qui Pelagiani sint. Utrosque tamen tolerari in Ecclesia Romana. Quanto magis decebit (ait) puras & veras Protestantium Ecclesias, post rejectum communiter Pelagianismum, quem malo more tolerant Romani, leves quasdam differentias inter se ferre? Addit votum, pro conciliatione & unione utriusque ecclesiæ adversus Papismum.

Prolixiore sic institutum recensum scripti mole exigui, quam fert instituti nostri ratio. Sed dandum id nostratium Theologorum (quibus examen opusculi hujus merito committimus & commendamus) iis fuit, qui Gallice nesciunt, nec ignari tamen eorum esse debent, quæ recentiores & celebriores adversarum partium Theologi, de tali præcipue argumento, quo sibi nos conciliare laborant, commentantur.

OBSERVATIO ECLIPSEOS LUNARIS

partialis, d. 19 Nov. st. vet. a. 1686 celebrata,

habita Noribergæ a Georgio Christophoro Eimmarto.

Industrii hujus Astrorum scrutatoris observationem Jovis a Luna eclipsati, dedimus non ita pridem in Actis superioris anni, pag. 493: idem enim est, qui adhibitis suis instrumentis, operaque cum Dn. Zimmermanno, in Actis tum solum nominato, conjuncta, phænomeno illi oculos animumque admovit, socioque suo publicationis deinceps permisit negotium. Hanc vero Lunaris deliquii observationem ex literis Autoris eo libentius huc transcripsimus, quod cæli adversa temperies sic alibique observatorum spem deluserit. Ita autem ea se habet:

Aer hac die densis ac obscuris nubibus refertissimus, parum spei pro instantis deliquii observatione reliquerat; & bona pars noctis elapsa, quæ Lunæ vel stellarum intuitum (saltem aliqualem) penitus denegaverat, usque dum post horam nonam nubes in rarum abeuntes, tenuiori velamine Dianam nostram detexerant. Delitescbat nihilominus inter hæc nubium tegmina adeo pertinaciter toto sui deliquii tempore, ut vix ac ne vix quidem pauculis secundis horariis nudam se circumcirca conspici passa fuerit: hinc inde tamen quandoque per dehiscentes

nubes stellæ majores apparuerunt, quarum altitudines & distantie a Luna, prout inclementia tempestatu indulserat, captæ. Quemadmodum ergo hæc qualiacunque acquirere & annotare licuerat, ita ea fideliter & absque correctione communicata, singula seorsim sequentes Tabellæ comprehendunt,

TABULA I.

TAB. III. In qua vibrationes perpendiculi, singulis Phasibus ab una ad alteram continua numeratione respondentes.

Fig. 1₂

Pro certiori initio stellam quandam notabilem in cœli medio existentem eligere placuit: quare jam præterlapsis Phasibus potioribus, inter fissuras nubium tandem expectata se obtulit stella culminans in oculo boreo Tauri. Immerfio Lunæ in Penumbra contigit hora 6 horologii majoris: diu quidem ante vestigia umbræ evidentem cernebantur; sed quia hæc cum densiori aere & nubibus circum Lunam cursitantibus permiscebantur, certum de illius ut & veræ umbræ ingressu indicium & judicium haberi nequivit.

Phases cresc.	Horol. majus Hor. /	Vibrationes compositæ Sexag. /	Phases decr.	Horolog. majus Hor. /	Vibrat. compos. Sexag. /
I	6. 15		1	8. 0	2. 56
II			2		4. 55
III			3		4. 59
IV	6. 30		4		3. 32
V			5	culm. Sirius	2. 24
VI			6		3. 43
VII			7		3. 12
VIII	7. 0		8		3. 8
IX			9		
X			10		6. 0
XI	Culm.	ocul. Bor. Taur.	11	9. 0	2. 31
XII		8. 55	12	culm. Bellatrix egr. umbræ	4. 53 0. 33
XIII		5. 19	13	emersio e Penumbra	6. 16
Dubium an Quia hic error a focis in-exercitatis irrepfit.		6. 9.			Mora transitu disci Lunæ per Mer id. 1. 24

Fig. 2.





Fig. 2.




Fig. 3.



Fig. 4.





Ad Phasin IV cresc. altitudo Capellæ 72. 36: ad Phasin 3 decr. altitudo Bellatricis 46. 49; azimuth ab ortu ad merid. 73. 12.

TABULA II.

Altitudinum & Azimuthorum Lunæ

Phase. cresc.	alt. limb. superioris o /	Azimutha ab ortu ad mer. centr.Lunæ o /	Phases decr.	alt. limb. superioris o /	Azim. a mer. ad ort.cent.Lu. o /
I	58 36	53 25	1	62 47	4 10
II	59 48	54 35	2	62 36	8 55
III			3		
IV		56 25	4	62 3	15 55
V		58 40	5	62 0	17 15
VI	60 7	61 20	6		
VII	60 41	63 50	7		
VIII	61 22	67 35	8		
IX	61 57	72 15	9		
X	62 0	74 8	10		
XI	62 26	79 8	11		
XII	62 40	86 45	12	59 30	33 55
XIII	62 48	altitudo meridiana			

TABULA III

Distantiarum Lunæ a Fixis.

Phases cresc.	Distantiæ	Phases de- cresc.	Distantia
VI	Limbi austr. & Aldebaran 6. 2. 5.	2	Limbi super & Aldeb. 6. 21. 24.
VIII	Limbi Bor. & Capellæ 24. 4. 0.	Aer toto durationis tempo- re quietus, sed humido frigi- dus; in superiori regione vento vario, potissimum australi ad nivem dispositus.	
X	Limbi Bor. & Aldebaran 6. 10. 24.		

TABULA IV.

Digitorum Eclipticorum.

Phases	Digiti	Phases	Digiti	Proportio semidiametrorum disci Lunaris & baseos coni umbrosi, ut 1000 ad 1675.
I	$\frac{1}{2}$ & paulo plus	1	$6\frac{1}{4}$	<i>Notandum.</i> I Centrum peripheriæ in designatione schematis Lunaris, est ex observatione per telescopium 12 pedum haud vulgaris notæ triduo ante Eclipsin quæsitum: quod diligenti collatione ante initium Eclipsis, & inspectione peripheriæ disci Lunaris in eodem fere loco
II	1 fere	2	6 exacte	
III	$1\frac{1}{2}$	3	$5\frac{1}{2}$	
IV	2 fere	4	$4\frac{1}{2}$ exacte	
V	3 exacte	5	4 exacte	
VI	$3\frac{1}{2}$ circiter	6	$3\frac{7}{12}$	
VII	4 & paulo plus.	7	$3\frac{1}{4}$	
VIII	$4\frac{3}{4}$	8	3 circiter	
IX	5 & paulo plus	9	$2\frac{1}{4}$	
X	$5\frac{1}{2}$ exacte	10	$1\frac{1}{2}$ exacte	
XI	6 circiter	11	$\frac{3}{4}$	
XII	$6\frac{1}{4}$ fere	12	$\frac{1}{6}$	
XIII	$6\frac{5}{12}$ obsc. max.			

immutum deprehensum fuit; nisi quod palus Mœotis, & ibi limbum versus interjectum spatium, paulisper contractius apparere putabatur; verum quoad hoc schema insensibiliter.

II Processus in numeratione oscillationum, taliter erat institutus. Perpendiculum sesquibrarum circiter, laminæ ferreæ tenuissimæ, ad instar gladii formata, latitudine unius quasi digiti, longitudine 2 pedum Noricorum, firmiter affixum, ad certam semper altitudinem, nempe 60 elevabatur, cujus vibrationes compositæ 60 numerabantur: his absolutis, rursus (retenta interim in continua numeratione eadem vibrationum mensura) ad eandem altitudinem elevato pendulo, de novo 60 vibrationes compositæ numerari inchoabantur, atque sic porro. Erat autem inclusum, ut ab omni externa aeris agitatione immune, liberrimum sibi que semper æquabilem motum perficere posset.

OBSERVATIO ANATOMICA CIRCA poros in piscium cute notandos.

Dari poros in cute hominum aliorumque animalium in aere libero viventium, factos ad transpirationem, extra controversiam est, egre-

egregiisque modernorum observationibus quam maxime illustratum. At vero in aqualibus tale quid notari, curiosius est, siquidem id genus brutorum, quod undis innatat, vix ac ne vix quidem transpirare, multo minus sudare videtur, ob aquæ ambientis continuum frigus. Cum itaque Cl. Steno in raja primum, deinceps in cane carcharia & anguilla istiusmodi poros meatusque cutaneos reperiret, non male suspicabatur, se offendisse fontes, e quibus prodeat unctuosus ille humor, superficiem piscium lubricans. Liceat Cl. Viri observationibus nostras superaddere qualescunque, imprimis concernentes pororum in piscibus cutaneis ortum, progressum, situm, numerum & magnitudinem. Circa ortum præcipue notandum est, poros illos non esse cutis proprios, sed longe altiores interdum radices agere, atque in ipsam quoque ossium substantiam longius abire. Manifestum id est in piscium capitibus; nam & in cranio qui prosequi meatus hos ac denudare velit, necessum habebit, ad medietatem ossa ut dividat, non sine cultri difficultate, præsertim si annosiora tentaverit subjecta: in mandibulis autem, speciatim lucii, eosdem absque ullo negotio spectare quivis poterit, si modo cum pisce conferat mandibulas, quales in officinis nostris asservantur. Progressus autem diversus est: videas alios profundiores, alios magis superficiales: longiores nonnullos, quosdam breviores: alios rectos, atque vicissim tortuosos alios. Vide Tab. III. figuram 3. quæ TAB. III. albuminum refert, uti & fig. 4. depictam carpionis squamam ex earum numero, quas linea tangit per medium decurrens ventrem. Situm quod attinet pororum,prehendimus equidem eum hinc inde satis regularem, præsertim si jam dictam intueamur lineam, quæ in utroque latere piscium a capite ad caudam usque decurrit, prout in albumini figura qualitercunque a chalcographo expressa est; nihilominus qui diversas piscium species inter se conferre amat, videbit non obscure, singulis peculiarem esse ordinem, ita ut & nonnunquam situs illorum quodammodo confusus ac minus regularis existat.

Exempli loco sit lucii caput, quod duplici schemate fig. 2. expressum æri que incisum apponi curavimus, ut non modo series pororum in superiore, sed & inferiore parte oculis perlustrari queat. Et quemadmodum situs omnium non est æqualis, ita certe & numerus multum occurrit dissimilis. Paucos vidimus in carpionis capite, adhuc pauciores in perca, quanquam satis ponderosa, copiosissimas autem in

tinca. Interim fatemur ultero, certum nullibi determinari posse numerum, quoniam non pauci adeo sunt exiles atque latentes, ut oculorum quoque aciem non parum eludant. Scilicet in pisciculis junioribus minoribusque vix certus illorum eris, nisi forte microscopii beneficio; in majore pisce nihil jucundius, in specie si lucium sumas, quippe cujus pori non modo setam admittunt, sed & majorem stylum; quod si igitur flatus per tubulum immissus fuerit, pergit idem ex uno foramine ad reliqua communi ductu inter sese connexa, ut sine oblectatione singulari satis spectari non valeat.

*DE NIEV HERVORMDE ANATOMIE,
ofte Ontleding des Menschen Licbaams i. e.*

Anatomia Nova Reformata, seu, Prosectio Corporis Humani, verisimilis ac curiosissimis ævi hujus Observatis superstructa, multisque Figuris æneis exornata. Neque non Tractatus de Balsamatione Corporum nunquam antea ita divulgata: Autore Stephano Blancardo, Ph. & Med. D. ac Practico Amstelodamensi.

Amstelodami, apud Johannem ten Hoorn, 1686. in 8.

Octo annos ab eo tempore, quo primum Anatomem edidit, ut novis hanc locupletaret inventis, Cl. Autorem insumisse, docet Prefatio; adeo, ut nova plane presentis, cujus & Latina promittitur versio, ab editione priori videatur facies, non solum ex recentissimis Autoribus, puta præter Th. Bartholinum, Willisum, Malpighium, Graffum, Harveum, Lowerum, Stenonem, Whartonum, Needham, Glissonium, Ruyfchium, Lewenhækiū, Peyerum, ex Verneo, Perraltio, Casparo Bartholino, Bidloo, Nukio &c. concinnata, sed figuris etiam plerisque novis illustrata, modoque corpora condiendi exornata. In genere vero partes integram machinam animale[m] contextentes non nisi duplicis generis Autor agnoscit, solidas nempe alias, alias fluidas; quarum illæ, ceu unicum Anatomiz objectum, nil aliud sint, quam multiplices tubuli sive canaliculi fluidas partes continentes, invicem omnino continui, nec præterquam magnitudine, capacitate, firmitate aut subtilitate inter se discrepantes, cuncti primum in ovulo delitescentes. Unde omnes

omnes, qui solidas corporis animalis partes ceu contiguas solum ac inter se connexas concipiunt, easque itidem vel in sanguineas & spermaticas, vel in principes & ministras dispecunt, longe a veritatis tramite abesse annotat. In specie autem in singularum partium textura, prout in variis quoque animantibus sese habet, evolvenda, usuque via eadem, quam in *Academia Cartesiana* in Actis nostris mense Aprilis anno 1685. p. 145. recensita ingressus fuerat, enodando, neque non morbis diversis, diversas qui partes occupare solent, explanandis, ordinem circulationi sanguinis accommodatum observat sequentem. Scilicet uti cor primum corporis reputatur mobile, a cujus motu omnes reliquarum partium motus dependeat, ita a corde quoque tanquam machina eum in finem sanguinem (cujus globuli microscopio observabiles grumuli solummodo sanguinis esse, sphaericam figuram ob æqualem undique æris pressuram assumentes, atque sal fixum, violentiori destillationi expositum, spiritum spiritui salis analogum eructare perhibentur,) per arterias æque propellente, ac per venas recipiente, orditur. Hinc mox ipsos utriusque generis canales circulo sanguinis inservientes perlustrat, structuram & diramationes cum arteriæ magnæ, tum venæ cavæ atque venæ portæ, eundem prorsus ductum cum vena cava ex Autoris sententia formantis, item arteriæ pulmonariæ & branchialis, venæque pulmonariæ demonstrando, & quomodo in foetu vasa sanguifera prope cor per canalem arteriosum ac foramen ovale uniantur, ostendendo, ita quidem, ut foramen ovale penitus obliterari in adultis, tanquam a se pariter atque ab aliis apertum adhuc deprehensum, haud contendat. Tum ad singulas, in quas arteriæ abeunt, accedit partes, e quibus quia pulmones quam proxime cordi adstant, ideo & pulmonum, quorum vasa lymphatica e copiosis glandulis interioribus exsurgant, prius fabricam describit, quam ad cerebri ac medullæ spinalis nervorumque his continuorum texturam perveniat. Hanc vero dum exponit, rationibus aliis, quibus liquidum nervorum monstrare nititur, duplicem interferit experientiam, qua videlicet & nervos sæpius in junioribus supra ligaturam intumescere, & liquorem subtilem coloratum arteriæ carotidi in cane adhuc vivente subito injectum, ipsos nervos penetrare, constat. Succedunt alia organa in capite pariter locata, qualia oculi, aures, lingua, os, palatum, gingivæ & nasus cernuntur; quibus accurate examinatis, ut viscera cum primis abdominis, omē-

tum videlicet, oesophagum, ventriculum, intestina, mesenterium, vasa lactea & lymphatica, pancreas, hepar, lienem, renes, vesicam, genitalia utriusque sexus, conceptum ex ovo ac placentam uterinam dispiciat, progreditur. Omenti aliarumque partium pinguedinem glandulis ex eo fert acceptam, quod ubi glandulæ, multum ibi observetur pinguedinis. Oesophagum, ventriculum & intestina, non secus ac vasa sanguifera, ceu totidem rotundos ac cavos considerat musculos. Lieni hoc attribuit muneris, ut lymphæ, per vasa lymphatica ad chyli receptaculum amandandæ, multum glandularū ope secernat, quo sanguis crassior exinde magisque aptus pro bile in hepate segreganda emergat. Inde in glandulis, musculis, ossibus, cartilaginibus, ligamentis, ac membranis, tanquam sui generis musculis, studiose scrutandis versatur; tandem in cuticulæ, cutis, capillorum ac unguium anatomicæ Anatomen hanc exasciatissimam finiens.

Methodus corpora balsamandi adjecta duplici insistit viæ, humidæ videlicet vel siccæ, ita tamen, ut corpus utrobique condiendum fordibus ac sanguine, mediante repetita aquæ & spiritus vini per os ac vasa nonnulla majora injectione, purgatum prius ac liberatum supponatur. Ratione prioris, oleum terebinthinæ, spiritus vini spiritu salis ammoniaci acuatus, & vel solæ muria ex sale communi atque alumine præparata, velut cujus auxilio Autor infantes optime conservatos aliunde accepisse fertur, non spernenda commendantur balsama. Ratione vero posterioris, corpus, cujus vasa cera pariter prius repleverit, vernice ex oleo terebinth. Mastich. ac tantillo coloris albi confecta illinendum præcipitur. Quod utrumque licet visceribus relictis commode peragi possit, præstare nihilominus, ut cerebrum aliaque viscera antea eximantur, ac cavitates vel pulveribus appropriatis, vel visceribus etiam ipsis peculiariter præparatis repleantur, ultro innuitur. Ast ne ratio, qua tam musculi, quam viscera, v. g. ventriculus, intestina, vesica urinaria, lien, hepar, renes, omentum, pulmones, cerebrum, venæ iidem ac arteriæ præparari debeant, ignoretur, circumstantiæ omnes hunc in finem necessariæ ingenue docentur, addita simul vernice, quam Terebinth. & Mastich. Succin. Copal similiave ingrediuntur, adeo indurescente, ut ab igne remota persistat succini instar perspicua, corporaque v. g. infantium sibi concredita ab omni prorsus corruptione immunia defendat; qui modus optimus, nec multum sumptuosus,

cur in corporibus magnatum condiendis non obtineat, permirum videtur Nostro.

A COPY OF ALL SUMMONS OF THE NO-
bility to the Parliaments &c. by Sir VVilliam

Dugdale Kt. Garter Principal King of Arms.

five,

Exactum apographum universarum Nobilitatis ad
Parliamenta summonitionum seu citationum inde ab anno
49. Henrici III. ad hæc usque tempora, collectum ex com-
mentariis publicis opera Wilh. Dugdale, Equ. Aur.

Principalis Regis Armorum cognom.

GARTER.

Londini, apud Rob. Clavell, 1685. in fol.

HAud dubium est, quin amplas fatis industria hujus operis colle-
ctori pro impenso labore gratias habituri sint, quotquot penitio-
rem status ac regni Anglicani notitiam sibi comparare gestiunt. Vide-
licet non viam solum hac ratione reclusit ad exactiorem cognitionem
illustrium ejus regni familiarum; sed & plura hac occasione notatu
non indigna aperuit ad Parliamentorum historiam facientia; eorum-
que antiquam faciem ab hodierna figura haud parum discrepantem
non obscure demonstravit. Sic mox in præfatione notavit, multum
eos falli, qui antiquitus etiam Nobilitatis, Civitatum atque Burgorum
deputatos ad majora illa concilia admissos autument; aut plane quem-
libet mediocris cujuslibet latifundii liberum possessorem voti ac sessio-
nis ibi compotem fuisse, persuaderi sibi patiantur. Nimirum patere
ait, speciatim ex Diplomate Regis Johannis, Domum communium,
quam vocant, tum saltem constitisse ex Vasallis regis, qui servitia milita-
ria in capite præstitissent, atque hos quidem Minorum Baronum appella-
tione venisse, eorumque non paucos subinde quædam cum Majoribus
Baronibus, superioris Domus partem facientibus, junctim expeditisse.
Quod vero hodiernam Parliamentorum formam attinet, quæ ex Do-
minis Spiritualibus ac Temporalibus, Nobilibus item, Civibus atque
Burgensibus constant, memoriam factarum talismodi Summonitio-

num, ut loquuntur, seu citationum evincit haud superare annum 49 Henrici III Regis: quinimo ne tum quidem ejus autoritate aut jussu tales fuisse emissas, sed sub ejus solum nomine ejusmodi quid factum a Baronibus rebellibus, late tum ibi locorum dominantibus: idque probat partim ex eo, quod tempore isto, quo literæ scriptæ apparent, adhuc captivum Regem una cum filio Eduardo & maxima parte fidæ nobilitatis detentum fuisse constet a rebellibus, in quorum manus perinfelicem pugnam prope *Lewes* inciderat; unde anno demum sequenti ope filii, qui e custodia Montfortii Comitis Leicestriæ feliciter evaserat, post confictum memorabilem prope *Evesham* rursus liberatus fuit: partim vero exinde, quod citationibus istis ex Nobilitate neminem vocatum fuisse evidens sit, nisi qui rebellionis complex arma adversus Regem tulisset. Sequenti quidem tempore tam sub Henrico III, quam successore ejus Eduardo I, utut diversa eos Parliamenta celebrasse constet, non tamen ullam superesse notitiam, quænam personæ in specie ad eadem fuerint evocatæ, ad annum usque hujus 21; post hunc autem, ut & sub ejus filio Eduardo II, ac nepote Eduardo III, præter *Dominos Spirituales ac Barones Temporales*, varios ibi pro regum arbitrio in consilium adhibitos fuisse viros egregios, quique ob prudentiam, fortitudinem ac fidelitatem conspicui præ aliis essent. Videlicet post victos in pugna prope *Evesham* barones rebelles ait, Regem ad complendam quidem Temporalium classem in locum seditiosorum ad Parliamenta adscivisse diversas ejusmodi personas eminentes, quorum fidei sua credere consultum duceret; loco Baronum Minorum vero, qui hactenus fere domum communium repræsentarant, exemplo baronum rebellium ipsum convocasse certum numerum Nobilium pro singulis provinciis, civium pro civitatibus, ac burgensium pro burgis seu oppidis, sic ut electi ab his mitterentur ad præsentandum posthæc corpus Communium. Cæterum quantum ad summonitiones Dominorum Temporalium, annotat Noster ex illis quosdam non nisi semel, alios bis aut ter, alios ad vitam citatos tum apparere, ad descendentes vero jus illud primitus haud fuisse transmissum. At e diverso constare, vocatos quosdam esse ob matrimonium inicum cum tali foemina, cujus majores titulo honoris istiusmodi gavisi essent. Sequentibus tamen Regibus visum fuisse, dignitatem hanc iis, quos ob prudentiam ac fidelitatem *Barones* creassent, hoc pacto largiri, ut eadem ad heredes

etiam

etiam ipsorum masculos devolveretur. Quinimo & eousque deventum esse perhibet, ut si tales personæ earumve descendentes ad majorem aliquem honoris gradum promoti forent, filii eorum natu majores, vivis etiamnum parentibus, una ad concilia hæc advocarentur, sub talis Baronix titulo, quæ tamen revera adhuc ad patrem spectaret. Opus ipsum jam quod attinet, summonitiones singulæ ab anno 49 Henrici III usque ad annum 1 hodierni Regis Jacobi II ordine recensentur, commemorato nomine & anno cujusque Regis, a quo & quando indictæ, ac exhibitio literarum citatoriarum tenore, quarum plurimæ ac tantum non omnes (vix enim nisi una aut altera Gallico idiomate conscripta) Latine conceptæ sunt, stylo quidem, qui barbarorum seculorum genius fuit, in antiquioribus satis hispido. Singulis dein subnectitur Catalogus eorum, Dominorum maxime Temporalium, ad quos emissæ fuerunt; ubi sedulo cavet auctor, ut errores hac in parte a scribis committi solitos, circa accuratam nominum propriorum expressionem evitaret, uti ex præfatione pluribus videre est. Utque etiam uno intuitu mox patere queat, qui, quoties & quando ad Parliamenta vocati sint, subjicitur index generalis nominum atque familiarum, ut & specialis catalogus tam eorum, qui vivis adhuc parentibus, ut supra indicatum, simul ad concilia hæc adhibiti, quam illorum qui ope hæreditatis fœminæ jure sessionis ibi potiti fuerint. De ipsis summonitionum contentis dicere non erit opus, cum pleræque earum generalibus solum terminis conceptæ sint: in quibusdam tamen speciales etiam convocationis factæ causæ commemorantur: sic v. g. in ea quæ anno 23 Eduardi I emissa,ürgens necessitas inter alia his verbis exprimitur: divulgatum, qualiter Rex Franciæ de terra nostra Vasconiæ nos fraudulenter & cautelose decepit, eam Nobis nequiter detinendo: nunc vero prædictis fraude & nequitia non contentus, ad expugnationem regni nostri, classe maxima & bellatorum copiosa multitudo congregatis, cum quibus regnum nostrum & regni ejus incolas hostiliter jam invasit, Linguam Anglicam, si conceptæ iniquitatis proposito detestabili potestas correspondeat, (quod Deus avertat,) omnino de terra delere proponit, &c. pag. 10. Pariter pag. 71. cujusdam Roberti de Brus rebel- lis ac proditoris hostilia facinora allegantur ab Eduardo II, qui idem pag. 130. queritur, Regem Franciæ de Ducatu Aquitanix ipsum malitiose exhereditare velle; ne plura hujusmodi, præsertim cum paucissimis solum

solum verbis indigitata reperiantur, in medium afferamus. *Cæterum pag. 131. & seqq.* etiam inseritur exemplar literarum, ad summum Pontificem missarum ab Angliæ proceribus universis, in Parlamento apud Licolniam congregatis anno 29 Eduardi I, & a singulis subscriptarum, quibus arrogantem Pontificis prætensionem, supremum Regni Scotiæ dominium audacter sibi vindicantis, refutant, atque hoc Regibus Angliæ de jure deberi contendunt. Corollarii vice id adhuc annexere placet, quod edictis, quæ anno I. Mariæ prodiisse referuntur (quamvis non integra, sed per verba saltem periodorum initialia exhibeantur) præfixum reperitur vocabulum *Rex*, non *Regina*: cui geminum est, quod alias de Maria Hungariæ Regina refertur, quod non *Regina*, sed *Rex salutari voluerit*, ut quod sexui deesset, suorum voluntate suppleretur. Attamen sequentibus annis, cum Philippo II. modo dicta Angliæ Regina nupisset, diplomatum initium per verba, *Rex & Regina*, factum reperitur; quemadmodum & literæ posthæc ab Elisabetha emissæ, non *Regis*, sed *Reginæ* solum appellationem præmissam ostendunt.

LIBRI NOVI.

Dissertatio de Auctoritate Patriarchali & Metropolitana, adversus ea quæ scripsit Bvdardus Stillingleet Decanus Londinensis in libro de Originibus Britannicis: per Eman. a Schelstrate S. T. D. C. L. & Bibliothecæ Vaticanæ Præfatum. Romæ 1687, in 4.

Traité des jeux & des divertissemens, qui peuvent être permis ou qui doivent être défendus aux Chrétiens: par M. Jean Baptiste Thiers. A Paris. 1686. in 12.

Johannis Meursii de Regno Laconico libri II. Ultrajecti 1687. in 4.

Phantome du Jansenisme, ou Justification des pretendus Jansenistes par le livre même d'un Savoïard Docteur de Sorbonne leur nouvel accusateur, intitulé *Les Prejugez legitimes contre le Jansenisme &c.* A Cologne 1686.

Aphorismes de Controverse, ou Instructions Catholiques tirées de l'Écriture, des Conciles & des S. Peres. A Cologne. 1687. in 12.

Histoire & Apologie de la Retraite des Pasteurs a cause de la persecution de France. A Francfort. 1687. in 12.

Conversations sur diverses matieres de Religion &c. avec un Traité de la Liberté de conscience. 1687. in 12.

Eclaircissemens sur les scandales injustement pris d'un livre intitulé, *L'ouverture de l'Épître aux Romains par l'explication du verset 27. du ch. 3.* A Londres. 1687.

Christoph. Sontagii Tituli Psalmorum. Silusii. 1687. in 4.

